

摘藻堂四庫全書薈要

子部

欽定四庫全書薈要

子部

御定淵鑑類函卷六十一

二



臣紀昀詳校
詳校官兵部主事臣雷純

欽定四庫全書薈要卷一萬一千五百九

子部

御定淵鑑類函卷六十一

設官部一

職官總載
設官沿革

職官總載一

原杜氏通典曰伏羲氏

太昊

以龍紀故爲龍師名官

師長也龍

化其官長故爲龍師春官爲青龍夏官爲赤龍秋官爲白龍冬官爲黑龍中官爲黃龍張晏曰庖犧氏將興神龍負圖而至因以

共工氏以水紀故爲水師水名

共工氏以

諸侯霸有九州者以受水瑞故名官

神農氏以火紀故爲火師火名

火德也故爲炎帝春官爲大火夏官爲鶉火秋官爲西
火冬官爲北火中官爲中火也神農有火星之瑞因以
名師與
官也

黃帝雲師雲名

黃帝受命有雲瑞故以雲紀
事春官爲青雲夏官爲緡雲

秋官爲白雲冬官爲黑雲中官爲黃雲
也黃帝有景雲之應因以名師與官也

少昊摯之立

也鳳鳥適至故鳥紀爲鳥師而鳥名鳳鳥氏歷正也

知天時故以

玄鳥氏司分也

玄鳥燕也以春
分來秋分去

伯趙氏司

至也

伯趙伯勞也以夏
至鳴至冬至止

青鳥氏司啓也

青鳥鶡鶩也以
立春鳴立夏止

鶡音

丹鳥氏司閉也

丹鳥鷩雉也以立秋來立冬去入
大水爲蜃以上四鳥皆歷正之屬

祝鳩氏司徒也

祝鳩鷦鷯也鷦鷯孝
故爲司徒主教民

鵙鳩氏司馬也

鵙

王鵠也摯而有別
故爲司馬主法制
鴈鵠氏司空也
鴈鵠氏司空也
均故爲司空平水土

鵠音枯
鵠音菊
爽鵠氏司寇也
爽鵠鷹也摯故
爲司寇主賊盜
鵠鵠氏司事也

鵠鵠鵠鵠也春來冬去故爲司事鵠音
骨鵠音陟交切似山鵠而小至春多聲
五鵠鵠民者也

鵠聚也治民尚
聚故以鵠爲名
五雉爲工正
雉有五種西方曰鷩雉東
方曰鷩雉伊洛

之南曰鷩雉
利器用正度量夷民者也
夷平
九扈爲

九農正
扈止也止人使不淫放也扈有九種春扈鵠鵠
夏扈竊玄秋扈竊藍冬扈竊黃棘扈竊丹行扈

喑喑宵扈噴噴桑扈竊脂老扈鵠鵠以九扈爲九農之
號各隨其宜以教其事者也鵠音敕倫反喑音子夜反

噴音莊
革反
自顓頊以來不能紀遠乃紀於近爲民師而

命以民事

德不能致遠瑞始以民事命官此郊子對魯昭公之辭仲尼聞之曰吾聞之天子失官學

在四夷乃見于郊子而學之

又有五行之官是謂五官社稷五祀是

尊是奉

五官之君長能修其業者死配食於五行之神爲王者所尊奉

春官木正曰句

芒

正官長也兩木生句曲而有芒角其祀重也

夏官火正曰祝融

祝融明貌也其祀黎

也

秋官金正曰蓐收

秋物摧蓐而可收也其祀諫也

冬官水正曰玄冥

水陰而幽冥其祀修及熙焉

中官土正曰后土

土爲羣物主故稱后也其祀句龍焉在家

則祀中雷在野則祀社

唐堯之代命羲和欽若昊天歷象日月

星辰敬授人時

重黎之後羲氏和氏世掌天地四時之官故堯命之使敬順昊天昊天言元氣

廣大星四方中星辰日月所會歷象其分節
敬記天時以授人也此舉其目下別序之分命義仲

宅嵎夷曰暘谷

宅居也東表之地稱嵎夷暘明也日出
于谷而天下明故稱暘谷嵎夷一也義

仲居治東方之官

寅賓出日平秩東作

寅敬賓導秩序也歲起
于東而始就耕謂之東

作東方之官敬導出日平均

申命羲叔宅南交

申重也
南交言

次序東作之事以務農也

平秩南訛敬致

訛化也掌頁之
官平序南方化

夏與春交舉一隅以見
之此居治南方之官

育之事敬行其教以致其
功四時同之亦舉一隅

分命和仲宅西曰昧谷

昧冥
也日

入于谷而天下冥故曰昧谷昧谷曰西則嵎
夷東可知此居治西方之官掌秋天之政

寅餞納日

平秩西成

餞送也日出言導日入言送因事之宜
秋西方萬物成平序其政助成物也

申命

和叔宅朔方曰幽都平在朔易

北稱朔亦稱方言一方則三方見矣北稱幽南

稱明從可知也都謂所聚也易謂歲改易于北方平均在察其政以順天常上總言義和敬順昊天此分別仲

叔各有

允釐百工庶績咸熙

允信釐治工官績功咸皆熙廣也言定四時成歲歷

以告時授事則能信治百官衆功皆廣歎其美

內有百揆四岳

四岳分主四方諸侯者也周

禮正義曰四岳四時之官主四岳之事始義和之時主四岳者謂之四伯至其死分岳事置八伯皆王官其八

伯唯驩兖共工放齊鯀四人而已餘四人無文可知故書傳云惟元祀巡狩四岳八伯堯始以羲和爲六卿春

夏秋冬者并掌方岳之事是爲四岳出則爲伯其後稍死分置八伯以九州而言八伯者據畿外八州也畿內

不置伯以鄉遂之吏主之四岳之外更有百揆之官者但堯初天官爲稷至堯試舜天官之任謂之百揆舜又

命禹為百揆
皆太官也

外有州牧侯伯

外置州牧十二及五國之長

虞舜有

天下以伯禹作司空使宅百揆

禹代鯀為崇伯入為天子司空治洪水有成功

言可用之棄后稷播百穀契作司徒敷五教

布五常之教

皋繇作

士正五刑

士理獄官

垂作共工利器用

垂臣名共謂供其百工職事

伯益

作虞育草木鳥獸

虞掌山澤之官

伯夷秩宗典三禮

秩序宗尊也三禮天

地人之禮伯夷臣名姜姓

夔典樂教胄子

胄長也謂元子以下至卿大夫子弟以歌詩蹈之舞

之教長國子中和祗庸孝友

和神人

命夔使勉之

龍作納言出納帝命

喉舌之官聽下言納于上

蓋亦為六官以主天地四時

也崔靈恩曰自顓頊以來命南正重司天火正黎司地故重黎之後世掌天地官號曰羲和唐堯受之方置天地四時之官命羲和之後使復舊職而掌天地之事又分命羲仲羲叔和仲和叔使主四時爲六卿之任及其末年舜攝百揆改地官爲司徒秋官爲士冬官爲司空春官爲秩宗故尚書曰乃命羲和欽若昊天分命和仲和叔等使主四時之事又云百姓不親五品不遜契爲司徒敬敷五教地官之事也臯繇作士五刑有服秋官之任也禹作司空以平水土冬官之職也伯夷爲秩宗典朕三禮此春官之所司也又周禮正義曰稷爲天官羲和爲夏官共爲六官也

夏后之制亦置六卿

甘誓曰乃召六卿是也

其

官名次猶承虞制

殷制天子建天官先六太曰太宰

太宗太史太祝太士太卜典司六典

典法也周制太宰爲天官太宗曰宗

伯宗伯爲春官太史以下屬焉太士以神仕者

天子之五官曰司徒司馬司空

司士司寇典司五衆

衆謂羣臣也周制司士屬司馬太宰司徒宗伯司馬司寇司空爲六

官

天子之六府曰司土司木司水司草司器司貨典司

六職

府主藏六物之統者周制皆屬司徒司土土均也司木山虞也司水川衡也司草稻人也司器角人

也司貨非人也非音革猛反

天子之六工曰土工金工石工木工獸

工草工典制六材

周制皆屬司空土工陶旄也金工築冶兒栗鍛桃也石工玉人磬人也木

工輪輿弓廬匠車梓也獸工函鮑鞞韋裘也唯草工職亡蓋謂作萑葦之器鞞音吁援反旄音方旌反

五

官致貢曰享

貢功也享獻也致其歲終之功于王謂之獻也太宰歲終則令百官府各正其治受

其會聽其致事而詔王廢置也

五官之長曰伯

謂為三公也周禮九命作伯

千里之

內為王畿千里之外設方伯五國以為屬屬有長十國

以為連連有帥三十國以為卒卒有正二百一十國以

為州州有伯

屬連卒州皆聚也伯帥正亦長也凡長皆因賢侯為之殷之州長曰伯虞夏及周皆

曰八州八伯五十六正百六十八帥三百三十六長八

伯各以其屬屬於天子之老二人分天下以為左右曰

二伯

老謂上公

周成王既黜殷命參考殷官制為周禮以

作天地四時之名謂之六卿

改太宰為天官冢宰太宗為春官宗伯司徒為地官

司馬爲夏官司寇爲秋官司空爲冬官

立天官冢宰掌邦治地官司徒掌

邦教春官宗伯掌邦禮夏官司馬掌邦政秋官司寇掌

邦刑冬官司空掌邦事

六官之職皆總屬於冢宰故論語曰君薨百官總已以聽於冢

宰爾雅曰冢大也冢宰則大宰於百官無所不主

各有徒屬周於百事

崔靈恩曰夫百

王不同各置官禮爲禪讓相傳者亦不得不改但所以改者少非禪讓之世者變易必多以草人視聽所以禪讓不改多者以禪讓道同人未爲弊故不改者多非禪讓之世須變人情故必多改故王者之興必有改官之禮此周禮所興之意也歲終天子齋戒受諫

諫當有所改爲

六卿以百官

之成質於天子

質猶平也平其計要

百官齋戒受質

受平報也

然後休

老勞農

饗食之也

成歲事

斷計要也

制國用自周衰官失而百職

亂戰國並爭各有變易暨秦兼天下建皇帝之號

五帝

自以德不及三皇故自去其皇號三王又以德不及五帝自損稱王秦自以德兼二代故兼稱之

立百

官之職不師古始罷侯置守太尉主五兵丞相總百揆

又置御史大夫以貳於相漢初因循而不革隨時宜

也其後頗有所改

孟康注漢書曰大司馬左右前後將軍侍中常侍散騎諸吏爲中朝丞相

以下至六百石爲外朝

王莽篡立慕從古官而吏民弗安亦多

虐政遂以亂亡

當更始之時官爵皆羣小賈豎語詳類聚

光武中興務從

節約并官省職費減億計

後漢建武六年詔曰百姓遭難戶口耗少而官吏尚繁于

是司隸州牧條奏并省四百餘縣吏職減損十置其一

廢丞相與御史大夫而以

三司綜理衆務泊于叔世事歸臺閣論道之官備員而

已魏與吳蜀多依漢制晉氏繼及大抵略同

山公啓事曰晉

制諸坐公事者皆三年方得叙用其中多有好人令道遙無事臣以爲略依左遷法隨資才減之亦足懲戒而

官不失其用詔善之

又傳玄奏曰諸官有病

泰元六

滿百日不差宜令去職優其禮秩既差而復用

年改制減費損吏士職員凡七百人

時議省州郡縣半吏以赴農功荀勗

議以爲省吏不如省官省官不如省事省事不如清心昔蕭曹相漢載其清靜此清心也漢文垂拱幾致刑措

此省事也光武并合吏員縣官國邑纔置十一此省官也魏太和中遣王人四出減天下吏員正始中亦并合郡縣此省吏也今必欲求之于本則宜以省事為先設官分職委事責成量能授任思不出位若欲省官竊謂九寺可并于尚書蘭臺宜省付三府東晉桓溫又表曰愚謂門下三省祕書著作通可減半古以九卿綜事不專尚書今事歸內臺則九卿為虛設皆宜省并若郊廟籍田之屬則臨時權兼事訖省矣爰及宋

齊亦無改作

宋時制新長吏以父母疾去官禁錮三年山陰令沈叔任父疾去職御史中丞鄭鮮

之上議曰所以為其制者涖官不久則奔競且生故杜其欲速之請以申考績之實耳今父母之疾而加以罪名損義疾理莫此為大詔從之於是自二品以上父母及為祖父母後者墳墓崩毀及疾病放屬輒去並不禁錮又劉祗為中書郎江夏王義恭領中書監服親不得相臨表解職也孝武詔曰昔二王兩謝俱至崇禮自

今三臺五省悉同此例 又詔曰方鎮所假禮官司有白版郡縣年限依臺除食祿三分之一不給送

三臺五省之號

三臺蓋兩漢舊名五省謂尚書中書門下秘書集書省也

郡縣有三

歲爲滿之期

宋州郡縣居職以三周爲小滿

梁武受終多遵齊舊然

而定諸卿之位分配四時

說在列卿中

置戎秩之官百有餘

號

武帝時置百二十五號將軍爲二十四班

陳遵梁制不失舊物

陳依梁制年未

滿三十者不得入仕唯經學生策試得第諸州迎主簿西曹左奏及經爲挽郎得任其諸郡唯正王任丹陽尹經迎得出身庶姓尹不得必有奇才異行殊勲別降恩旨叙用者不在常例其相知表啓通舉者亦常有之亦因年考校黜陟之既不爲此式所以勤惰無辨凡選官無定期闕即補多更年互遷官未必即進班秩其官唯

論清濁從濁得微清即勝於轉若有遷授或由別敕任
移轉一人爲官則即諸官多須改動陳書曰舊式拜
官皆在午後唯拜蔡景歷爲度支尚書日駕
幸玄武觀帝恐景歷不得預宴特令早拜後魏昭

武之即王位初置官司分掌衆職

以燕鳳爲右長史
許議爲郎中令

然

而其制草創名稱乖疏皇始元年道武平并州始建臺
省置百官封公侯將軍刺史太守尚書郎等官悉用文
人天興中太史言天文錯亂當改王易政故官號數革
初道武制官皆擬遠古雲鳥之義諸曹走使謂之鳧鴨
取飛之迅疾也以伺察候宮禁謂之白鷺取其延頸遠
視也皆
類此
至孝文太和中王肅來奔爲制官品百司位號

皆準南朝改次職令以爲永制

凡守令以六年爲滿後經六年乃叙

又作

考格以之黜陟

太和十八年詔曰古者三載考績三考黜陟朕今三載一考考便黜陟各令當

司考其優劣爲三等六品以下尚書重問五品以上朕與公卿親論善惡上上者遷之下下者黜之中中者守本位文宣武帝行考陟之法任事上中者三年升一階散

官上第者四載登一級孝明以後授受多濫

自明帝孝昌以後天

下多難刺史太守皆爲當部督雖無兵事並立佐察所以頗爲煩擾及東魏靜帝時齊神武作相高隆之表請自非實在邊要見有兵馬者悉皆斷之又時諸朝貴多假常侍以取貂蟬之飾隆之自表解侍中并陳諸假侍服者請亦罷之又自軍國多事冒竊官者不可勝數隆之奏請檢括得五萬餘人而羣小喧譟隆之懼而止

北齊創業亦遵後魏臺省位號多類江東

以門下省掌獻納諫

正中書省管司王言秘書省典司經籍集書省掌從容議中常侍省掌出入門閣御史臺察糾彈劾

後

主臨御爵祿犬馬

御馬及犬廄有儀同郡公之號藉以旗屬食物十餘種其官婢閹人商人

胡人雜戶歌舞人見鬼人濫富貴者萬數至末年太宰三師大司馬大將軍三公等官並增員而授之或兩或三不可稱數後周之初據關中猶依魏制及平江陵之後

別立憲章酌周禮之文建六官之職其他官亦兼用秦

漢

他官謂將軍都督刺史太守之類

隋文帝踐極百度伊始復廢周

官還依漢魏其於庶寮頗有損益凡官以四考而代

又制

凡官以理去
職聽並執笏

至煬帝初存稽古多復舊章

百官不得計考增級如有

德行功能灼
然顯著者擢

大業三年始行新令有三臺五省五監十

二衛十六府

殿內尚書門下內史秘書五省也謁者司隸御史三臺也少府長秋國子將作都水

五監也左右翊左右驍左右武左右屯左右禦左右候
十二衛也左右備身左右監門等凡十六府也或是舊
名或是新置諸省及左右衛武侯
領軍監門府爲內官其餘爲外官于時天下繁富四方

無虞衣冠文物爲盛矣既而漸爲不道百度方亂號令

日改官名月易圖籍散逸不能詳備 唐職員多因隋

制雖小有變革而大較不異

高祖制文官遭父
母喪者聽去職

貞觀六

年大省內官凡文武定員六百四十有三而已

顯慶元年制

拜三師三公親王尚書令雍州牧開府儀同三司驃騎

大將軍左右僕射並臨軒冊授太子二少侍中中書令

諸曹尚書諸衛大將軍特進鎮軍輔國大將軍光祿大

夫太子詹事太常卿都督及上州刺史在京者朝堂受

冊又制文武官五品以上者及

病不因罪解者並聽同致仕例

百官之名

改尚書省爲中臺門下省爲東臺中書省爲西臺其餘百司悉改之

咸亨元年

復舊至于武后再易庶官或從宜創號

改尚書省爲文臺門下省爲

臺及諸寺衛等名又置控鶴府官員

或參用古典

改六尚書

爲天地四時之官

天授二年凡舉人無賢不肖咸皆擢拜大置

試官以處之試官蓋起此也

試者未為正命凡正官皆稱行守其階高而官卑者

稱行階卑而官高者稱守官階同者並無行守字太后務收物情其年二月十道使舉人并州石艾縣令王山耀等六十一人並授拾遺補闕懷州錄事參軍崔景可等二十四人並授侍御史并州錄事參軍徐昕等二十四人並授著作郎魏州內黃縣尉崔宣道等二十二人並授衛佐校書御史等故當時諺曰補闕連車載拾遺平斗量擢樞侍御史稅脫校書郎試官自此始也

于時擢人非次刑網方密雖

驟歷榮貴而敗輪繼軌

神功元年制曰具有從勲官品子流外國官參佐視品等出身

者自今不得任京清顯要等官若累階應至三品者不得進階每一階酬勲兩轉如先有上柱國者聽迴授昇以上親必有異行奇材

神龍初官復舊號

凡武后所改之官

二

年三月又置員外官二千餘人

國初舊有員外官至此大增加兼超授諸閣官

爲員外官者亦十餘人中書令李嶠初自地官尚書

通州刺史至是詔拜吏部侍郎嶠志欲曲行私惠求名

悅衆冀得重居相位乃奏請大置員外官多引用勢家

親識至是嶠又自覺銓衡失序官員倍多府庫由是減

耗於是遂有員外

員外官其初但云員外至永徽六年以蔣孝璋爲尚樂奉御員外特置仍

同正員自是員外官復有同員外者其加同正員者唯

不給職田耳其祿俸賜會與正官同單言員外者則俸

祿減正

檢校試攝判知之官

攝者言敕攝非州府版署之命檢校者云檢校某官

判官者云判某官事知者云知

某官事皆是詔除而非正命

逮乎景龍官紀大紊復

有斜封無坐處之誦興焉

景龍中有太平安樂長寧宜城等諸公主及皇后陸氏妹

邨國夫人李氏妹崇國夫人并昭容上官氏與其母沛國夫人鄭氏上官崇氏賀妻氏女巫隴西夫人趙氏皆叙用親識亦多猥濫或出自臧獲或由于屠販多因賂貨累居榮秩咸能別于側門降墨敕斜封以授焉故時人號爲斜封官時既政出多門遷除甚衆自宰相至于內外員外官及左右臺御史多者則數踰十倍皆無廳事可以處之故時人謂之三無

先天以來始懲其弊

玄宗

御極宰相姚元崇宋璟兼吏部尚書大革姦濫十去其九時有殿中侍御史崔涖太子中允薛昭諷帝曰先朝所授斜封官恩命已布而姚元崇宋璟等沮先帝之明歸怨陛下道路謗譏天下稱冤奈何與萬人爲仇敵恐有非常之變上以爲然乃下詔曰諸緣斜封別敕授官先令停任宜並量材叙用監察御史柳澤又上疏極言不可其斜封官得免罪戾已沐恩私旬月之內頻煩降旨前敕令至冬處分後敕又令替人却停將何以止姦

邪將何以懲風俗

至開元二十五年刊定職次著爲格令

此式皆武

德貞觀之舊制永徽初已詳定之至開元二十五年再刪定焉至二十八年又省文武六品以下官三百餘員及諸流外番官等蓋尚書省以統會衆務舉持繩目門下省以

侍從獻替規駁非宜中書省以獻納制冊數揚宣勞秘

書省以監錄圖書殿中省以供修膳服內侍省以承旨

奉引

尚書門下中書秘書殿中內侍凡六省

御史臺以肅清寮庶九寺

太常

光祿衛尉宗正太僕大理鴻臚司農太府爲九寺

五監

少府將作國子軍器都水爲五監

以分

理羣司六軍

左右羽林左右龍虎左右神武爲六軍

十六衛

左右衛左右衛左右衛左右衛左右武

左右威左右領軍左右金吾左右監門左右千牛爲十六衛

以嚴其禁禦一詹事府

二春坊

有左右春坊又有內坊掌閣內諸事

三寺

家令寺率更寺太僕寺

十率

左右衛左右

右司禦左右清道左右監門左右內侍凡十率府

俾又儲宮牧守督護分臨畿

內

京府置牧餘府州置都督都護太守

設官以經之置使以緯之

按察米訪等使

以理州縣節度團練等使以督府軍事租庸轉運鹽鐵青苗營田等使以毓財貨其餘細務因事置使者不可勝數其轉運以下諸使無適所治廢置不常故不便列于篇

自六品以下率由選曹

居官者以五歲爲限於是百司具舉廢績咸理亦一代

之制焉

一歲爲一考四考有替則爲滿若無替則五考而罷六品以下吏部注擬謂之旨授五品以上

則皆敕除自至德之後天下多難甄才錄劾制敕特拜繁于吏部于是兼試員外郎倍多正員至廣德以來乃立制限州縣員外兼試等官各有定額並云額內溢於限者不得視職其有身帶京官冗職資名清美兼州縣職者云占闕焉即如正員之例官以三考而代無替四考而罷由是官有常序焉

增文獻通

考曰唐自太宗時已有員外置其後又有特置同正員至于檢校兼守判知之類皆非本制又有置使之名或因事而置事已則罷或遂置而不廢其名類繁多莫能徧舉肅代以後盜起兵興府庫無蓄積朝廷端以官爵賞功諸將出征皆給空名告身自開府特進列卿大將

軍下至中郎將聽臨事注名其後又聽以信牒授人官爵有至異姓王者諸軍但以職任相統攝不復計官資

高下及清渠之敗復以官爵收散卒由是官爵輕而貨重大將軍告身一道纔易一醉凡應募入軍者一切衣

金紫至有朝士僮僕衣金紫稱大官而執賤役者名器

之濫至是而極

張巡在雍丘纔領一縣千兵而大將六人官皆開府特進德宗避難于奉天

城之童奴曰黃苓力戰即封渤海郡王至于僖昭之世遂有捉船郭使君看馬李僕射之號德宗幸梁州在道民有獻瓜果者上欲試以散官陸贄言軍興以來財賦不足以供賜而職官之賞興焉方今之病在于爵輕設

法貴之猶恐不重若又自棄何以勸人夫誘人之方惟名與利名近虛而于教爲重利近實而于德爲輕虛實利而不濟之以虛則耗匱而物力不給專虛名而不副之以實則誕慢而人情不趨夫突鉅鋒排患難者則以是賞之竭筋力盡勤効者又以是酬之若獻瓜果者受試官彼人將曰吾以忘軀命獲官而彼以獻瓜果得官是國家以吾之軀命同之瓜果矣

宋朝設官之制名號品秩一切襲

用唐舊然三師三公不常置宰相不需用三省長官中書門下並列於外又別置中書於禁中是謂政事堂與樞密院對掌大政天下財賦內庭諸司中外筦庫悉隸三司中書省但掌冊文覆奏考帳門下省主乘輿八寶

朝會位版流外考校諸司附奏挾名而已臺省寺監官
無定員無專職悉皆出入蒞庶務故三省六曹二十四
司互以他官典領雖有正官非別敕不治本司事事之
所寄十亡二三故中書令侍中尚書令不與朝政侍郎
給事不領省職左右諫議無言責而起居郎起居舍人
不執記事之筆中書常闕舍人門下罕除常侍補闕拾
遺改爲司諫正言而非特旨供職亦不任諫諍至於僕
射尚書丞郎郎中員外居其官不知其職者十常七八

秘書殿中二省名存實廢惟內侍所掌猶髣髴故事九
寺五監尤爲空官六統軍十六衛每遇大禮但遣官攝
事以備儀範天聖中始以環衛官補宗室子東宮官不
常置公主無邑司節度使不食本鎮租賦藩府除授雖
帶都督之名而實不行都督之事京府以及四方大鎮
皆有牧尹而類非親王不除諸路無觀察采訪而觀察
防禦團練刺史特以爲右列叙遷之寵雖有正任遙領
大率不親本州之務諸司使副有東班西班又有橫班

橫班之有職事者獨閣門客省四方館略有典掌其他
悉無所領此其大槩也至於官人授受之別則有官有
職有差遣官以寓祿秩叙位著職以待文學之選而差
遣以治內外之事其次又有階有勲有爵故士人以登
臺閣陞禁從爲顯官而不以官之遲速爲榮滯以差遣
劇要爲貴途而不以階勲爵邑有無爲輕重時人爲之
語曰寧登瀛不爲卿寧抱槧不爲監虛名不足砥礪天
下也如此外官則懲五代藩鎮專恣頗用文臣知州復

設通判以貳之階官未行之先州縣守令多帶中朝職事官外補階官既行之後或帶或否視是爲優劣大凡一品以下謂之文武官未常參者謂之京官樞密宣徽三司使副學士諸司而下謂之內職殿前都校以下謂之軍職外官則有親民釐務二等而監軍巡警亦比親民此其槩也故自真宗仁宗以來議者多以正名爲請咸平中楊億首言文昌會府有名無實宜復其舊既而言者相繼乞復二十四司之制至和中吳育亦言尚書

省天下之大有司而廢爲閒所當漸復之然未遑釐正
神宗即位慨然欲更其制熙寧末始命館閣校唐六典
元豐三年以摹本賜羣臣乃置局中書命翰林學士張
璪等詳定八月下詔肇新官制臺省寺監領空名者一
切罷去而易之以階九月詳定所上寄祿格會明堂禮
成近臣遷秩即用新制而省臺寺監之官各還所職矣
五年省臺寺監法成六年尚書新省成帝親臨幸召六
曹長貳以下詢以職事因誡敕焉初新階尚少而轉行

者易以及元祐初於朝議大夫六階以上始分左右既又以流品無別乃詔寄祿官悉分左右詞人爲左餘人爲右紹聖中罷之崇寧初以議者有請自承直至將仕郎凡換選人七階大觀初又增宣奉至奉直大夫四階政和末自從政至迪功郎又改選人三階於是文階始備而武階亦詔易以新名正使爲大夫副使爲郎而橫班十二階使副亦然故有郎居大夫之上者繼以新名未具增置宣正履正大夫郎凡十階通爲橫班而文武

官制益加詳矣大抵自元祐以後漸更元豐之制二府不分班奏事樞密加置簽書戶部則不令右曹專典常平而總於其長起居郎舍人則通記起居而不分言動館職則增置校勘黃本凡此皆與元豐稍異也後蔡京當國率意自用然動以繼志爲言首更開封守臣爲尹牧由是府分六曹縣分六案又內侍省職悉倣機廷之號已而修六尚局建三衙郎又更兩省之長爲左輔右弼易端揆之稱爲太宰少宰是時員既濫冗名且紊雜

甚者走馬承受升擁使華黃冠道流亦濫朝品元豐之制至此大壞及宣和末王黼用事方且追咎元祐紛更乃請設局以修官制格目爲正名而邊事起矣建炎中興參酌潤色因呂頤浩之請左右僕射並同中書門下平章事兩省侍郎改爲參知政事三省之政合乎一乾道八年又改左右僕射爲左右丞相刪去三省長官虛稱道揆之名遂定然維時多艱政尚權宜御營置使國用置使修政局置提舉軍馬置都督並以宰相兼之總

制司理財同都督督視理兵並以執政兼之因事創名殊非經久惟樞密本兵與中書對掌機務號東西二府命宰相兼知院事建炎四年實用慶厯故典其後兵興則兼樞密使兵罷則免至開禧初始以宰臣兼樞密爲永制當多事時諸部或長貳不並置或并郎曹使相兼之惟吏部戶部不省不并兵休稍稍增置其後詔非曾任監司守臣不除郎官著爲令又增館閣員廣環衛官然紹興務行元祐故事以左右二字分別流品其後以

人言省去寧清濁相涵無絕人遷善之路橫班以郎居大夫之上既釐而正之矣而介冑之士與搢紳同稱寧名號未正毋示人以好武之機陳傅良欲定史官遷次之序衆論躋之而未及行洪邁欲改三衙軍官稱謂當時嘉之卒未暇講蓋自元祐以逮政和已未嘗拘乎元豐之舊中興若稽成憲二者並行而不悖故凡大而分政任事之臣微而筦庫監司之官沿襲不革者皆先後之所同便也或始創而終罷或欲革而猶因則有各當

其可者焉 續文獻通考曰遼國事簡職專官制樸實

太祖神冊六年詔正頒爵至太宗兼制中國乃分南北
面北面治宮帳部族屬國之政南面治漢人州縣稅賦
軍馬之事因俗而治得其宜矣初太祖分德勒埒額爾
欽爲南北二大王謂之南北院宰相樞密宣徽林牙下
至郎君護衛皆分南北其實所治皆北面之事北樞密
視兵部南樞密視吏部南北二王視戶部夷離董視刑
部宣徽視工部多囉倫穆騰視禮部以南北府宰相總

之惕隱治宗室林牙修文告于越坐而議論以象三公
朝廷之上事簡職專此遼之制也 金自景祖始建官

屬統諸部以專征伐巍然自爲一國其官長皆稱曰貝
勒故太祖以都貝勒嗣位太宗以接班貝勒居守接班
尊大之稱也其次曰固倫烏赫哩貝勒固倫言貴烏赫
哩言總帥也又有固倫貝勒或左右置所謂國相也其次
諸貝勒之上則有固倫伊實烏赫哩伊拉齊愛滿阿實
克之號爲升拜宗室功臣之序其部長曰貝勒統數部

者曰烏赫哩凡此至熙宗定官制皆廢其後惟鎮撫邊民之官曰圖埒烏爾古之下有詳袞圖依達詳袞之下有穆呼實訥現此則具於官志而不廢皆踵遼官名也漢官之制自平州人不樂爲明安穆現之官始置長史以下天輔七年以左企弓行樞密院于廣寧尚踵遼南院之制天會四年建尚書省遂有三省之制至熙宗頒新官制乃換官格除拜內外官始定勲封食邑入銜而後其制定然大率皆循宋遼之舊海陵正隆元年罷中書門

下省止置尚書省自省而下官司之別曰院曰臺曰府
曰司曰寺曰監曰局曰署曰所各統其屬以修其職終
金之世守而不變焉 元太祖起自朔土統有其衆部
落野處非有域郭之制國俗淳厚非有庶事之繁惟以
萬戶統軍旅以斷事官治刑政任用者不過一二新貴
重臣耳及取中原太宗始立十路宣課司選儒臣用之
世祖即位大新制作遂命劉秉忠許衡酌古今之宜定
內外之官其總政務者曰中書省秉兵柄者曰樞密院

司黜陟者曰御史臺其次在內者則有寺有監有衛有
府在外者則有行省有行臺有宣慰司有廉訪司其牧
民者則曰路曰府曰州曰縣官有常職位有常員其長
則蒙古人爲之而漢人南人貳焉於是一代之制始備
大德後僥倖之門開方正之途閉官冗于上吏肆于下
言者屢疏論列而朝廷訖莫能正勢固使之然也 明
太祖初下建康設官頗仍元舊洪武元年設六尚書而
皆隸中書省十三年以胡惟庸謀逆遂廢丞相垂訓後

世分其職於六部惟選簡才望以備顧問成祖踐阼始
建內閣仁宗登極始以東宮舊臣入閣辦事陞楊士奇
爲禮侍尋陞少保兼華蓋殿大學士楊榮爲太常卿進
太子少傅兼謹身殿大學士楊溥擢翰林院學士陞太
常卿兼學士內閣辦事由是閣權漸重無異宰相而六
部之權漸輕凡事皆稟受內閣風旨而後行矣又改樞
密院爲都督府又分大都督五而攝其樞要於兵部五府
者中左右前後五軍都督府使知院從一品爲左右都
督陞正一品副使同知院正二品爲都督同知從一品

僉院從二品判事從三品
今爲僉事亦係正二品

改前代御史大夫中丞爲都

御史臺爲察院以監察御史分設十三道并革古侍御史殿中侍諸名銜而糾劾巡按照刷問擬之任一切責之監察御史自前世重矣無如監察之重者又設給事中分爲六科各設給事中凡八十一人每科增都給事一人至景泰中命左右都給事中坐御史上六科掌侍從規諫補闕拾遺分察六部之事而糾其弊誤權爲最重外官初用布按二司統攝郡縣至永樂間始設巡撫

然亦止設於要害之地洪熙宣德初年添設漸多用都御史侍郎通政卿丞景泰以後悉用都御史矣國初金陵官制已具後雖定鼎北平而南省之官不廢惟事權不及職事高簡朝廷以是爲儲才臣子因之而養望又以龍興之地名爲兩都終明之世故不敢廢此亦一代之制也

職官總載二

增書曰俊又在官

俊德治農之士皆在官

百僚師師百工惟時撫

于五辰庶績其凝 又曰無曠庶官天工人其代之

又曰任官惟賢才左右惟其人臣爲上爲德爲下爲民

又曰官不及私昵惟其能

不加私昵惟能是官

又曰爵罔及

惡德惟其賢 原又曰德懋懋官 又曰成王既黜殷

命滅淮夷歸于宗周董正治官曰唐虞稽古建官惟百

內有百揆四岳外有州牧侯伯 尚書大傳曰古者天

子三公每一公三卿佐之每一卿三大夫佐之每一大

夫三元士佐之 禮記曰有虞氏官五十夏后氏官百

殷二百周三百天子立六官三公九卿二十七大夫八
十一元士以聽天下之外治以明章天下之男教大
戴禮曰古之御政以治天下者冢宰之官以成道司徒
之官以成德宗伯之官以成仁司馬之官以成聖司寇
之官以成義司空之官以成禮東觀漢記曰更始所
置官多羣小長安謂之曰竈下養中郎將爛羊胃騎都
尉爛羊頭關內侯漢舊儀曰古法聖猶試故今丞相
設四科之辟以博異德第一科曰德行高妙志節清白

二科曰學道修行經中博士三科曰明曉法令足以決
疑能案章覆問文中御史四科曰剛毅多略遭事不惑
明足以照姦勇足以決斷才任三輔劇令皆試以其能
然後官之第一科補西曹南閣祭酒二科補議曹三科
補四辭八奏四科補沒藝文類聚莊子曰智效一官藝文類聚賈
誼新書曰王者官人六等一曰師二曰友三曰大臣四
曰左右五曰侍御六曰廝役智足以爲源泉行足以爲
表儀謂之師智足以爲礪礪行足以爲輔助謂之友智

足以謀國事行足以爲民率謂之大臣修身正行不倦
於鄉曲左右也事君不敢有二心侍御者也惟言之聽
以事君者廝役也 說苑曰應侯與賈子坐聞有鼓琴
之聲應侯曰今之琴一何悲也賈子曰夫張急調下故
使之悲耳張急者良才也調下者官卑也取夫良才而
卑官之安能無悲乎應侯曰善 增唐沈既濟選舉議
曰選舉之法三科曰德也才也勞也然安行徐言非德
也麗藻芳翰非才也累資積考非勞也今但以此求天

下之士固未盡也臣謂五品以上及羣司長官宜令宰
臣進叙吏部兵部得參議焉其六品以下或僚佐之屬
許州府辟用其或選舉非公則吏部兵部察而舉之加
以黜陟則衆才咸得矣 司馬光奏曰爲政得人則治
然人之才或長於此而短於彼雖臯夔稷契各守一官
中人安可求備臣備位宰相職當選官若專引知識則
嫌於私止循資序未必皆才乞設行義純古可爲師表
節操方正可備獻納智勇過人可備將帥公正聰明可

備監司經術精通可備講讀學問該博可備顧問文章
典麗可備著述善聽獄訟盡公得實善治財賦公私俱
便練習法令能斷請讞凡十科取士應侍從以上每歲
十科舉三人中書置籍記之有事須材執政案籍視其
所科舉隨事試之有勞又著之籍內外官闕取嘗試有
效者隨科授職詔從之 元趙天麟上策曰臣聞設紀
張綱莫如清簡建官置吏切戒煩多夫爵者官之尊也
階者官之次也品者官之序也職者官之掌也位者官

之居也祿者官之給也吏者官之佐也雖則事非位立而不辦亦有事因位多而益生此聖王所以貴寡而不貴多欲靜而不欲躁也漢光廢四百縣而下民業定隋文廢五百郡而天下政行皆以官不用多而在乎得賢政不在煩而貴乎省事也冗官之大弊有三一曰選法之弊二曰政事之弊三曰軍民之弊夫文武官吏員數既多當考滿之時近春秋之選資格之簿擾攘紛紜保薦之文交錯旁午有司行文猶且未暇奚暇顧孰果有

才孰果有德而考較之哉既不遑考校則取準於籍文
薦書之所陳布者矣如此而欲雜流之人不進貨賂之
門不開豈可得乎雜流行賄者得志則人皆可以仕矣
以致員多缺少無如之何經營者早得遷除養高者坐
淹歲月此選法之弊也夫文武官吏員數既有當決
之事而不決有當行之政而不行問其職則曰我非此
職問其施爲則曰僚屬非一豈我之所能獨主混齊等
而難辯受王命而自安及朝廷聞之遂立稽違期限之

罰不亦晚與此政事之弊也夫文武官吏員數既多國
家用人路廣浮濫亦升遂使臨蒞在下豈能敷政化哉
政教不敷而刻剝之苦役使之煩爲害良多此軍民之
弊也三弊不絕而立法以防之立法者不能旁照員益
增而弊益多矣故須三弊盡絕而後法乃可立也 明
鄭曉百官述曰聖祖稽古定制始復有虞之典官皆三
年一考六年再考九年通考中有善政著聞者即行旌
異之典其秩滿者則又加秩加官仍其舊任是以官安

其職民安其生任者無奔走道路之勞居者無送舊迎新之費百年以來率循是道近自選法淹滯以來乃行一切苟且之政數易變更甚非祖宗立法之初意矣

胡端敏奏議曰藩臬守令皆久任而責成功弘治以前皆然也今則遷徙不常矣是故春爲知府或僉事於南秋陞副使或參議於北來春則又陞參政或憲使於東西矣甚者初陞右布政使憚遠不行在家稍候三二月即改左而近之矣到任未及三二月即望轉而京堂矣

由是一歲之間往來道路如織月日過半其能在任幾何至於進士爲知縣者亦惟僅及三年即擢中間朝覲科場差委參謁奔走曠廢歲月居半事在承上而不在恤下也故今藩臬守令皆過客也其視地方之凋弊若見驛舍之所損壞誰爲之修也視生民之困苦若見驛馬之疲瘠誰爲之恤也善乎近日有爲策議者曰子產爲政累年而後化成伯禽治魯三年而後報政今之人未必皆聖賢聰明得于簡冊之陳言志力奪於舉業之

舊習而旁視同輩超遷內拜者屢矣於是而速進之念
生速進之念生則爲民之意短而求上之意急謀身之
術勝而取民之計多百姓何利于是哉愚案天順以前
官多久任而致績效如周忱之巡撫蘇松自侍郎而至
尚書凡二十二年王翱之提督遼東自僉都歷陞副都
左右都凡十一年于謙之兼鎮河南山西一十八年此
撫臣久任見於名臣錄者可稽也如東莞知縣盧秉安
任至一十九年而清操不易臨行惟受士民之詩陳璉

知滁州垂十年而異政著聞當時亟來褒擢之典此守
令久任見于郡邑志者可考也明詔天下自今斷行久
任如巡撫守令皆以九載爲滿以六期爲限非踰六載
不得遷轉其貪殘不職者歲案黜如今法其政事卓異
者璽書旌獎增秩賜金超遷大拜如漢世庶得收用人
之效乎

職官總載三

增奮庸熙載

亮采惠疇

制治

于未亂

保邦

于未危

庶

政惟和 萬國咸寧 以倡九牧阜成兆民 撫于五

辰庶績其凝

俱尚書

臣而不臣

伊尹對湯曰君之所不名臣者四諸父臣而不

名諸凡臣而不名先王之臣臣而不名盛德之士臣而不名是謂大順也

參而有參

湯問伊尹曰古

者所以立三公九卿大夫列士者何也伊尹對曰三公者所以參五事也九卿者所以參三公也大夫者所以參九卿也列士者所以參大夫也參而有參是謂事宗事宗不失外內若一

原稽古建官

尚書周官篇云唐虞稽古建官惟百夏商官倍亦克用又孔安國云稽考也堯舜考古以建百官也又治克龍也禹湯建官二百亦能用治也

設官分職

周禮天官職云惟王建國辨方正位體國經野設官分職

以爲民極

建官惟賢

書武成篇建官惟賢孔安國傳云官以賢才也

立官必方

呂氏

春秋云先王之立高官也必使之方方則分定分定則下不相隱

授事以尊賢

禮記文王

世子篇云以人

授事以官尊賢賢才以級進

仲長子云公卿大夫雖有賢才皆級次進官之有級

猶階之有等也

增疑則勿用

用則勿疑

接見羣臣

總

攬豪傑

推赤心以待臣

展四體以報下

謝泌奏云

明

黜陟

抑僥倖

精貢舉

擇長官

經濟類編范仲淹除參知政事帝方

銳意太平數問世事仲淹語人曰上用我至矣事有先後久安之弊非朝夕可革也帝再賜手詔又爲之開天章閣召輔臣條對仲淹退上數事悉采用之

有知必試

使人以器

量

能受爵

立賢無方

設官以理務則務寡而官省

省官以治國則職顯而人清

桓溫集略表云

爲官擇人則官

雖簡而常若有餘 爲人擇官則官雖煩而常若不足

宋許應龍奏云

以慎名器之法擇人而用之

以考幽明之

法順理而考之 典選者易見其人易程其效而選法

清 臨政者事有所歸職有所主而政績成 在下者

省于煩役免于苛刻而民業足

元趙大麟策云

莫貴于德

莫急于才 才德兼全者

大文夫也

德勝才者

君子也

有

德無才者

淳士也

有才無德者

小人也

才德兼無者

愚人也

也

正直之科 剛德之科 柔德之科 贊化之才

銓選之才 風憲之才 戎事之才 政事之才

監守之才 錢穀之才 方術之才 趙天麟原論才

大司馬辨才 執秩 晉文公作執秩以正 承事 百官居

然後官之 然後官之 委質 策名 守官 守道不 官人 國之 命秩

有位 朝于當官 而 筮仕 筮始 將仕 屬官 聯事

爛羊頭 詳類 續狗尾 晉趙王倫篡位取皆屠沽人人爭

時人語曰貂 不足狗尾續 由官邪 國家之敗 縻王爵 熙帝載

亮天工 人之師表

景訪曰吏者人之師表也車服宜稱

身之所庇

謂大官大

邑也 入財爲官

馮翊以王霸入財爲官不署右職

千祿及門

仕進之門

允

釐百工 無曠庶官

頒官分務

陳力就列

人代

天工 賢爲國寶 慎簡乃寮

各揚其職

揚舉也

寘

彼周行 委之常秩 官執人柄

官無滯事

官不

易方

方業也

官庀其司

物有其官

官修其方

列貴

賤存乎位 爲大政酌於人 卑高以陳 貴賤位矣

授方任能 政有經矣

職官總載四

增詔元至元二十三年七月清冗職詔曰惟我祖宗肇
造區夏雖中書已嘗建立而官制未暇舉行迨予圖大
以宅中思欲繼志而述事集儒臣之公議法前代之彛
章爰立省部院臺以正朝廷綱紀自疆土極照臨之遠
而省臺有內外之分日益月增官冗人濫嘗敕有司而
澄汰意能舊制之傳承比聞近侍之言謂益曩時之弊
彼不勝重仕有壅上聞苟尚蹈匪彛時惟予咎其清冗

職用復前規於戲官不必備惟其人朕恪守已成之憲
爾尚克勤于乃事尚永肩圖報之心

增策王融代策秀才問曰惟王建國惟典命官上協星
象下符川嶽必待天爵具修人紀咸事然後沿才授職
揆務分司是以五正置於朱宣下民不忒九工開於黃
序庶績其凝周官三百漢位兼倍歷茲以降游惰寔繁
若閒冗畢棄則橫議無已冕笏不澄則坐談彌積

原詩魏應璩雜詩曰散騎常師友朝夕進規獻侍中主

喉舌萬機無不亂尚書統庶事官人乘法憲彤管弭納
言貂璫表武弁出入承明廬車服一何煥三寺齊榮秩
百寮所瞻願

原頌晉陸機漢高祖功臣頌曰茫茫宇宙上塲下黷波
振四海塵飛五岳九服徘徊三靈改卜赫矣高祖肇載
天祿彤雲晝聚素靈夜哭萬邦宅心駿民效足堂堂蕭
公王迹是因綢繆轂后無競惟人外濟六師內撫三秦
拔竒夷難邁德振民名蓋羣后是謂宗臣平陽樂道在

變則通爰淵爰默有此武功長驅河朔電擊壤東協策
淮陰亞迹蕭公文成作師通幽洞冥永言配命因心則
靈窮神觀化望景揣情鬼無隱謀物無遁形運籌固陵
定策東襲三王從風五侯允集霸楚實喪皇漢凱入曲
逆宏達好謀能深遊精杳漠神迹是尋奇謀六奮嘉慮
四回規主以足離項予懷韓王窘執胡馬洞開灼灼淮
陰靈武冠世策出無方思入神契陵險必夷推剛則脆
肇謀漢濱還定渭表濟河夷魏登山滅趙威掠火烈勢

踰風埽拾代如遺偃齊猶草彭越觀世韜迹隱光威凌
楚域質委漢王靖難河濟卽宮舊梁烈烈黥布眈眈其
眄名冠強楚鋒猶駭電肇彼梟風翻爲我扇天命方集
王在東夏矯矯三雄至於垓下元凶既夷寵祿來假張
耳之賢有聲梁魏俯思舊恩仰察五緯脫迹違難披榛
來泊改策西秦報辱北冀王信韓孽宅土開疆我圖爾
才越遷晉陽盧綰自微婉孌我皇跨功踰德祚爾輝章
吳芮之王祚由梅鎔功微勢弱世載忠賢肅肅荆王董

我三軍圖掌四方殷薦其勲庸親祚勞舊楚是分安國
違親悠悠我思依依哲母既明且慈引身伏劒永言固
之主亡與亡末命是期絳侯質木多略寡言曾是忠勇
惟帝攸歎雲鶩靈丘景逸上蘭平代擒獬奄有燕韓寧
亂以武斃呂以權實惟太尉劉宗以安舞陽道迎延帝
幽藪宣力王室匪惟厥武總干鴻門披闥帝宇聳顏誚
項掩淚寤主百王之極舊章靡存稷嗣制禮下肅上尊
穆穆帝典煥其盈門風晞三代憲流後昆紀信誑項軺

軒是乘身與煙銷名與風興周苛慷慨心若懷冰形可
以暴志不可凌晉張子並楊四公頌曰我我西岳峻
極太清降神挺賢實有景靈靈何爲四四楊是丁佐我
大侯俾我韓貞明明在上不顯其身帝時疇咨本道求
貞僉曰於公溫故知新宜保宜傳克贊典墳昔在阿衡
左右商王有周文武股肱旦望我漢楊氏代作棟梁蹇
蹇匪躬惟國之綱綱弛復整政無亂荒功假皇穹率土
以康心盡于朝終然允臧伊德之輔是乃毛羽匪哲匪

賢孰云敢舉楊氏蹈之爲軌爲武軌武伊何盡啓基緒
穆穆天子以爲心膂於萬斯年克昌厥後

原贊後漢班固公孫弘傳贊曰公孫弘卜式倪寬皆以
鴻漸之翼困於燕爵遠迹羊豕之間非遇其時焉能致
此位乎是時漢興六十餘載上方欲用文武求之如弗
及始以蒲輪迎枚生見主父而歎息羣士慕向異人並
出卜式拔于芻牧弘羊擢于賈豎衛青奮于奴僕日磾
出于降虜斯亦曩時版築飯牛之朋也漢之得人於茲

爲盛儒雅則公孫弘董仲舒倪寬篤行則石建石慶質
直則汲黯卜式推賢則韓安國鄭當時定令則趙禹張
湯文章則司馬遷相如滑稽則東方朔枚臯應對則嚴
助朱買臣歷數則唐都洛下閎協律則李延年運籌則
桑弘羊奉使則張騫蘇武將帥則衛青霍去病受遺則
霍光金日磾其餘不可勝紀是以興造功業制度遺文
後世莫及孝宣承統纂修洪業亦講論六藝招選茂異
而蕭望之梁丘賀夏侯勝韋玄成嚴彭祖尹更始以儒

術進劉向王褒以文章顯將相則張安世趙充國魏相
邴吉于定國杜延年治民則黃霸王成龔遂鄭弘邵信
臣韓延壽尹翁歸趙廣漢嚴延年張敞之屬皆有功績
見述後世參其名臣亦其次也 晉袁宏三國名臣贊

曰赫赫三雄並回乾軸競收杞梓爭采松竹鳳不及棲
龍不暇伏英英文若靈鑒洞照應變知微探蹟賞要日
月在躬隱之彌曜公達潛朗思同著蔡運用無方動攝
羣會邈哉崔生體正心直天骨踈朗牆宇高嶷忠存軌

迹義形風色思樹芳蘭剪除荆棘景山恢誕韻與道合
形器不存方寸海納和而不同通而不雜遇醉亡辭在
醒貼荅長文通雅義格終始思戴元首擬伊同恥嘉謀
肆庭讜言盈耳淵哉泰初宇量高雅器範自然標準無
假全身由直迹汙必偽處死匪難理存則易六合徒廣
容身靡寄堂堂孔明基宇宏邈器同生人獨稟先覺標
榜風流遠明管樂士元弘長雅性內融崇善愛物觀始
知終喪亂備矣勝塗未隆先生標之振起清風公琰植

根不忘中正豈曰模擬實在雅性推賢恭已久而可敬
公瑾英達朗心獨見披草求君定交一面桓桓魏武外
託霸迹志掩衡霍恃戰忘敵卓卓若人曜奇赤壁三光
參分宇宙暫隔子布擅名遭世方擾撫翼桑梓息肩江
表王略威夷吳魏同寶遂贊宏謨匡此霸道昂昂子敬
拔迹草萊荷擔吐奇乃構雲臺子瑜都長體性純懿諫
而不犯正而不毅將命闕庭退忘私位伯言蹇蹇以道
佐世出能勤功入亦獻替謀翊社稷解紛挫銳元歎穆

遠神和形檢如彼白珪質無塵玷清不增潔濁不加染
仲翔高亮性不和物好是不羣折而不屈屢推逆鱗直
道受黜歎過孫陽放同賈屈

設官沿革一

原黃帝六相

堯有十六相

爲之輔相不必名官 少昊司

徒

前漢嘗加大後漢又加大

司馬

項羽加大漢以後曰大後周又加大

司空

前漢加大

改御史大夫爲之後周又加大

司寇

後周有內司寇卿又加大

唐義和 義仲

義叔 和仲 和叔 州牧 虞太師 太保 納

言隋及唐嘗改侍中爲之

后稷 秩宗 士 共工 虞 夏

九卿 商太宰

晉宋齊梁陳改太師爲之

太宗 太史 太祝

太士 太卜 司士 司土 司木 司水 司草

司器 司貨 太子太師 太子太保 太子太傅

太子少傅 方伯 周太傅 少師 少保 冢宰

後周

加大 宗伯 後周加大

內史

秦置內史治京師如諸郡守後周有內史中丞大夫隋改中書

爲內史監令唐亦嘗以中書爲內史

太僕正

至漢爲太僕梁爲卿唐嘗爲司馭卿又嘗爲司僕卿

大將軍

自戰國時楚置

前後左右將軍

周末置

秦太尉

左右丞相

丞相

後周末加大

相國

侍中

本丞相史隋改爲納言又

改爲侍內至唐嘗爲納言或爲左相或爲黃門監

黃門侍郎

後周納言大夫唐改爲鸞臺侍

郎又改爲門下侍郎

散騎常侍

魏加侍郎又加員外又加通直唐分爲左右

少府

吏在殿中主發書謂之尚書四人

漢置五人其一人爲僕射四人分曹後漢

爲五曹至晉有六曹

尚書令

僕射

漢置左右至唐嘗改爲左右匡政或爲左右丞相武

太后嘗爲文

尚書丞

西漢置四人後漢減二人爲左右丞唐嘗改爲左右肅機

昌左右相

御史大夫

初唐嘗爲大司憲武太后又嘗改爲肅政又分爲左右

奉常

漢改曰太常後

改曰奉常又改爲太常後漢又爲奉常自後爲太常梁謂之卿至唐嘗爲奉常卿又嘗爲司禮卿

郎

中令

漢為光祿勳後漢嘗為郎中令魏為光祿勳梁除勳字謂之卿至唐嘗為司宰卿又嘗為司膳卿又

為光

衛尉

漢嘗為中大夫令至魏謂之

宗正

漢嘗

祿卿

衛尉

卿至唐嘗為司衛卿

宗正

改為

宗伯至唐嘗為司宗

治粟內史

漢改曰大農令又改曰大司農後漢末為

卿又嘗為司屬卿

主爵中尉

漢以右扶

魏大農魏為司農至梁謂之卿後又加大唐嘗改為司稼卿

廷尉

二漢梁北齊為大理梁謂之卿齊代曰

典客

漢改為大鴻臚又嘗曰大行至梁除大字謂之卿唐改為同文卿又嘗為司賓卿又為鴻臚卿

典屬

國少府

至梁謂之卿唐嘗改為內府監亦嘗為尚方監又為少府監

將作少府

漢

為大匠梁為大匠卿隋為將作大監又改為大匠唐亦嘗為大匠又嘗為繕工監又嘗為營繕監又為將作

監丞

中尉

漢武更名執金吾

中書謁者令僕射

至漢嘗以宦者爲之魏爲

中書監令專掌機務隋爲內史監令尋改爲內史又改爲內書又爲內史令至唐復爲中書令嘗爲內相又爲內史又爲

然薇令

唐事

唐嘗改爲端尹又嘗改爲

宮尹少唐事並爲少尹

中庶子

唐嘗改爲

太子家令

唐嘗改爲

率更令

唐嘗改爲

少子

晉改庶子爲左右隋罷中

太子家令

唐嘗改爲

率更令

唐嘗改爲

僕

唐嘗改爲

率內史

理京師漢爲左

右又置京兆尹

郡守

漢時爲太守後魏每部置三太守隋置通守謂之二守隋之通

左馮翊代之

守並

大中二大夫

唐並爲

漢領尚書事

至後漢爲

佐貳

三公曹尚書常侍曹尚書主客公卿事

後漢改爲吏曹主選舉又

爲選部魏爲吏部宋嘗置兩員至唐

中書侍郎

東晉嘗爲

嘗改爲司列太常伯又嘗爲天官

通事郎隋爲內史侍郎又爲內師侍郎唐復

御史中

爲內史侍郎又爲中書侍郎又爲紫微侍郎

光祿大夫

優寵者則加銀章青

丞

後漢曰中尉至唐改治書侍御史爲之嘗爲司憲大夫

中散大夫

王莽置至唐爲文散

綬至魏晉則又加金章紫綬齊嘗置左右至隋爲散官

太皇太后卿長信少府

太后以下卿以至子陳自後魏無

皇太后卿

長信少府皇后卿大長秋

隋有令至唐改爲內侍

中常侍

唐改爲內

常侍都水使者

至宋嘗爲水衡令梁曰大舟卿隋嘗爲都水監唐嘗改爲司津監又嘗爲水衡

都尉

驃騎

後漢加大將軍爲武散

游擊

唐爲武散

衛

車騎

驍

騎

梁置左右

伏波

上騎

材官

輕車

樓船

護軍

唐爲

勳官

度遼

貳師

蒲類

强弩

戈船

奮威

建

威

積射

二十一

將軍

奉車

騎駙馬

三都尉

駙馬魏晉

後高主者爲之

司隸校尉

督察三輔隋有司隸大夫唐京畿採訪使亦其職

刺史

刺舉郡縣至隋治人

都護

京兆尹

左馮翊

右扶風

特

進

唐爲文散

諸加官

左右曹諸吏散騎中常侍郎中爲之

後漢

賊曹

尚書

尚書侍郎三十六人

初稱尚書郎中滿歲稱尚書郎三載稱侍郎五歲稱大縣尹魏有尚

書郎晉有郎中隋初置三十六侍郎後置員外郎一人後又六曹各置侍郎每曹有郎有員外郎唐又改曹郎

爲郎中

祕書監

後又置令唐嘗爲蘭臺太史少監爲侍郎又嘗爲麟臺

武衛至

置左右唐爲左右鷹揚衛

輔國

晉加大宋改爲輔師唐爲武散

四征

四鎮

四安虎牙

征虜

橫野

鷹揚

討逆

討虜

破虜等將軍

四中郎將

捕虜

都督

至晉時加大

河

南尹

留守班同三司

前文帝以宋昌爲衛將軍亞三司未爲官也

儀同

三司

魏有開府儀同三司晉有開府儀同三司後魏有儀同三司齊有開府儀同三司又有儀同三司後

周有開府儀同又有上開府儀同大將軍至隋爲散官又諸衛各置開府一人

八座

魏五

兵尚書

至後魏有五兵尚書隋曰兵部唐嘗爲司戎太常伯或爲夏官或爲五部又爲兵部

度

支尚書

吳有戶部晉以後改爲度支至隋爲民部唐嘗爲度支又爲戶部

祠部曹尚

書

至後魏有儀曹尚書後周有禮部隋置禮部尚書唐嘗爲司禮太常伯或爲春官又爲禮部

殿

中監

秩甚卑隋曰殿內監唐嘗爲中御府太監

中衛

晉分爲左右衛將軍隋改爲左右翊衛唐

復爲左右衛

中領軍

尋又改國領軍隋改爲左右屯衛唐嘗爲左右衛又嘗爲左右玉鈴衛又

爲左右領軍

鎮軍大冠軍

游騎

唐並爲武散

四平

鎮北

虎威

撫軍

凌江

寧朔等將軍

行臺

晉三

公尚書掌刑獄

起部尚書

有事即置事畢即省

國子祭酒

唯宋

曰總明觀祭酒唐嘗爲大司成又爲成均祭酒

中軍龍驤

寧遠

唐爲武散

宋

殿中將軍 齊都官尚書

至隋改爲刑部唐嘗爲司刑太常伯又嘗爲秋官又嘗爲

憲部又爲刑部

梁太府卿

唐嘗爲外府卿又嘗爲司府卿

雲麾 中武

壯武

明威

定遠

唐並爲武散

宇宙等大將軍始以太

常卿等分爲四時凡十二卿

後魏柱國

至唐爲勲官

天

柱二大將軍 諸少卿 後周軍器 隋左右武侯府

大將軍

唐爲金吾衛

左右監門府將軍

唐改府爲衛

大總管

通守

佐太守

折衝府

正議

通議

朝議

朝請

朝散等大夫

左右驍衛府

唐除府字

唐太子賓客

漢之四皓

非官

左右千牛衛

左右屯營

後改爲羽林

左右威衛

改

左右豹韜衛

左右龍武將軍

平章事

知政事

知機

務

同中書門下三品平章軍國重事

節度使

采

訪使

宣威

武散

懷化

歸德等將軍

並武散以授歸義蕃官

增樞密使

樞密之名始於唐代宗寵任宦者故置內樞密使使之掌機密文書如漢之中書謁者令

是也若內中處分則令內樞密使宣付中書門下施行則其權任已侔宰相矣五代置樞密使宋因之

觀察

承宣

防禦

團練

宣徽院

宋遼因之

使相

檢校

熙寧三年曾公亮除守司空檢校太師兼侍中以兩朝定策之功辭相位也宋朝檢校官共一十九

人

大學士 參知政事

參知政事掌副宰相職大政參庶務其除授不宣制不押

班不知印不預奏事不升政事堂殿廷別設專位于宰相及敕尾署銜降宰相一等

都副承旨

五代時有承旨副承旨以諸衛將軍充宋太平興國中
以楊守一充都承旨都承旨自守一始也是時都承旨
副承旨多用士人真宗後稍稍遂用吏人歐陽修建言
請復舊制不克行熙寧二年始以東上閤門使李評爲
樞密都承旨李綬爲之副不用

檢詳

檢詳之職古無之宋熙寧四年

院吏而更用士人自評始也

詔以編修經武要略官四人王存陳伺陳奉世蘇
液檢詳樞密院諸房文字禮遇視中書檢正官

編

修官

編修官古無之慶歷四年史館王洙承
旨單士寧編修例冊編修之名自此始

崇政殿

說書

古無此官宋朝仁宗景祐元年正月命賈昌朝趙
希言王宗道楊安國並爲崇政殿說書日輪二員

祇候初侍講學士孫奭年老乞外因
薦昌朝等至是特置此職以命之

都副鈐轄宋初以朝

官及諸司使以上充或一州或一路或兩路三路亦有
無都字者嘉祐詔內臣爲鈐轄都監者逐路止置一員

祖宗時不常置成都大府帥臣第帶兵
馬鈐轄而兩武臣之爲鈐轄者與鈞禮

兵馬都監宋

馬都監有路分掌本路禁旅屯戍邊防訓練之政令以
肅清所部建炎三年以要郡守臣帶本路兵馬都監武

臣一員充副都監紹興三年罷守臣兼兵職而副都監
如故州都監則以大小使充掌本城屯駐兵甲訓練差

使之事兼在城巡檢資淺者爲監
押或雜用文臣其後止用武臣

遼大子越南北

院總知軍國事知國事門下省

遼南面設門下省金初亦設正

隆時廢
元不設
中書舍人
遼南面中書省設中書舍人院有
中書舍人金元不設明洪武丙辰

始定中書舍人凡二十員正七品先是屬中書省後草
七年改直省舍人從八品九年始定爲中書舍人正七
品隸承敕監監
省草改從七品
符寶郎遼南面符寶司屬門下省其
官有符寶郎金設符寶郎四

員掌御寶及金銀等牌屬殿前都點檢司元世祖至元
初立符寶局後改典瑞監明尚寶司即符璽郎也正七
品後置尚寶
大林牙院遼北面有大林牙院掌文翰
司正五品之事南面有翰林院掌天子

文翰之事金元明
大詳穩遼有大詳穩司與大將軍
俱止有翰林院并官曰大詳穩曰都監曰

將軍曰小將軍
護軍司徒衛軍司徒皆大詳
曰軍校曰隊師穩所屬
惕

隱司掌皇太子宮帳之事
登聞鼓院遼南面有登聞
官曰皇太子惕隱鼓院官曰登聞

鼓使屬門下省景宗保寧二年始置金元因之明洪
武元年置登聞于午門外日令監察御史一人監之

審計院

掌錢穀出入之政

轉運司

遼設金元明因之

金鎮撫彈壓

官

宣宗貞祐元年九月設京城鎮撫彈壓官置招賢所

鹽鐵

度支

勸農

章宗

明昌八年十二月初設三司使掌判鹽鐵度支勸農事

益政院

哀宗正大元年詔設益政院于

內廷置說書官二人

機察官

天興二年設蔡州四隅機察官

集賢院

金貞祐五年設

知集賢院從四品元從之係從五品

行中書省

宣宗貞祐二年署行省于陝西元從之制行中

書省凡十秩從一品掌國庶務統郡縣鎮邊鄙與都省爲表裏

文思署

隸于少府監官

綾

錦院

置于真定平陽太原河間懷州元織造織染等事皆屬于工部而文思院不設

元中政

院供奉中宮之事古無此官

都護

元世祖至正十七年置鎮北庭都護府于輝和爾境以托克托穆爾

等領其事秩從二品遼金皆無此官明亦不設惟世祖幸承天以郭勲爲都護大將軍

提刑按

察司

元初立提刑按察司四道曰山東山西道曰山北東西道曰河東陝西道曰河北河南道

經

略使

遼金不設元至正十八年九月初六日命經略使問民疾苦明不專設有兵事則暫敕行事

制國用使

元世祖至元三年立遼金無明亦不設諸國用經制悉統于戶兵工三部

長信

寺

古無此官元成宗大德五年置長信寺秩正三品領大幹耳朶怯憐口諸事

長秋寺

古無

此官元文宗皇慶元年立長秋寺秩正三

承徽寺

古無

品掌武宗五鄂爾多戶口錢糧營繕諸事

此官元英宗至治二年置承徽寺秩正三品

長寧寺

掌達爾瑪實哩皇后位下錢糧營繕等事

古無此官元英宗至治三年立長寧寺秩正三

寧徽

品掌蘇克巴剌皇后位下戶口錢糧營繕等事

寺

古無此官元文宗天歷二年立寧徽寺秩正三品隸必巴實皇后位下

長慶寺

古無此官

元泰定帝元年立長慶寺秩正三品掌成宗鄂爾多及常歲管辦和實房子行幸集賽台人等衣糧之事

徽政院

古無此官元順帝元統元年依太皇太后故事爲皇太后置設立官屬三百六十有六人掌謁司

秩正

都總裁

元順帝至正三年詔修遼金宋三史以右丞相脫脫爲都總裁平章持穆爾達

三品

實右丞賀惟一中丞張起巖翰林學士歐陽玄侍御史呂思誠翰林侍講學士揭傒斯爲總裁官

大

撫軍院

元至元二十七年命皇太子總天下軍馬置大撫軍院從一品

大都督分府

至正十

明中書省

太祖初下建康立十三年惟庸族廣洋賜死即罷中書省散其職于

八年立

六部置

六部尚書

六部侍郎

都察院左右都御

四輔官

史 左右副都御史 左右僉都御史 監察御史

十三道御史 總督 提督倉場 巡撫 操江 巡

按 巡江 巡視京營 提學 巡倉 巡庫 巡視

光祿 巡青 恤軍 監課 清軍 刷卷 巡鹽

巡河 巡關 巡茶 印馬 屯田 捕盜皆御史差 府

尹 府丞應天府兩府 少詹 苑馬寺正卿 少卿 行

太僕正卿 少卿 布政司明置承宣布政使司國初為行中書省或分中書省

六部尚書往往出為叅知政事叅政入為尚書 左右叅政 左右叅議 按

察司副使 僉事 鹽運同知 知府 同知 通判

推官 知州 知縣 五軍都督府 留守司 宣

慰司 宣撫司 安撫司 挂印將軍 總兵 副總

兵 參將 遊擊 守備

御定淵鑑類函卷六十一

欽定四庫全書薈要卷一萬一千五百十

子部

御定淵鑑類函卷六十二

設官部二 三公總裁

三公總裁一

原杜氏通典日記曰虞夏商有師保有疑丞設四輔及

三公

尚書大傳云古者天子必有四鄰前曰疑後曰丞左曰輔右曰弼天子有問無以對責之疑有志而

不志責之丞可正而不正責之輔可揚而不揚責之弼其爵視卿其祿視大國之君漢官儀曰倉頡作書自

環者謂之輔背私者謂之公

不必備唯其人語使能也

語言也得能則用之無則

已不必備其官小人處其位不如且闕

故天子無爵三公無官參職天子

何官之稱天文三台以三公法焉

三台星名台一作能

伊尹曰三

公調陰陽九卿通寒暑大夫知人事列士去其私周成

王作周官曰立太師太傅太保茲惟三公論道經邦變

理陰陽

師天子所師法傅傅相天子保保安天子于德義者此惟三公之任佐王論道以經緯國事和

理陰陽

少師少傅少保曰三孤

此三官名曰三孤孤特也言卑于公尊于卿特置此

人貳公弘化寅亮天地弼予一人

副貳三公弘大道化敬信天地之教以輔

我一人之治

則三太周之三公也故不以一職爲官名

公八命也

九命則分 又以三少爲孤卿與六卿爲九焉

六卿冢宰司徒宗伯

司馬司寇司空也

周禮正義曰按婚義云三公九卿

者六卿并三孤而言九其三公又下兼六卿故傳云司

徒公司馬公司公各兼二卿

按顧命云太保領冢

宰畢公領司馬毛公領司空別有芮伯爲司徒彤伯爲

宗伯衛侯爲司寇則周時三公各兼一卿之職與古異

矣又周禮王畿有六卿每一卿則公一人蓋一公領

二卿也 舜之於堯伊尹於湯周公召公於周是其任也故

周禮建外朝之法左九棘孤卿大夫位焉羣士在其後

右九棘公侯伯子男位焉羣吏在其後面三槐三公位

焉州長衆庶在其後

樹棘以爲位者取其赤心而外刺象以赤心外刺也槐懷也言懷來

人于此欲與之謀也羣吏謂府史也州長鄉遂之官

三公一命衮若有加則賜也

不過九命

三公八命矣復加一命則服衮龍與王者之服同多于此則賜也非命服也虞夏之制天

子有日月星辰之服自衮冕而下如王之服

周禮曰諸公

春秋九命作伯尊公曰

宰言具於海內無不宰統焉或說司馬主天司徒主人

司空主土是為三公

漢初惟有太傅太尉後加置太

師太保大司徒大司空

哀帝時議以漢舊無司徒故定三公之號曰大司馬大司徒大

司空

史記曰

公孫弘以春秋白衣為天子三公

王莽

漢初因秦置丞相而弘為之則丞相為三公矣

居攝置四輔官

初王莽為左輔甄豐為右弼甄邯為右丞後又制以太師太傅國師國傳為四

輔位上公大司馬大司徒大司空為三公後漢惟有太傅一人謂之上公及

有太尉司徒司空光武初詔司徒司空二府去大無稱爵而無師保董卓盜為

太師非漢本制太尉公主天尉部太常衛尉光祿勳司徒公主人部太僕鴻臚廷尉

司空主地部宗正少府司農而分部九卿漢制三公號稱萬石其俸月各三百五十

斛風俗通云三公一歲共食萬石也蓋多以九卿為之若天地災變則皆

策免自太尉徐防始焉後漢本制日食星流及大雨雹等災變者唯免太尉自徐防為

太尉凡天地災變三公皆免至魏黃初二年始罷此制漢制三公不與盜賊若領

兵入見皆交戟叉頸而前使虎賁執叉扶之也魏武為司空破張繡入覲天子亦行

此制汗流霑背自此不復朝覲也

朝臣見三公皆拜天子御座即起在

輿爲下凡拜公天子臨軒六百石以上悉會直事卿贊

拜御史授印綬公三讓然後受至安帝時三府任薄選

舉誅賞一由尚書其災眚變咎則責免公台靈帝臨朝

遣使者就長安拜張溫爲太尉三公在外自溫始也至

獻帝建安十三年乃罷三公官魏初復置與後漢同

有大傅太尉司徒司空

然皆無事不與朝政初封司空崔林爲安

陽亭侯三公封列侯自林始也

林字德儒襄松之曰漢封丞相已爲荀悅所譏

魏封三公其失同也

黃初二年又分三公戶邑封子弟各一人爲

列侯末年增置太保 晉武帝即位之初以安平王孚

爲太宰鄭冲爲太傅王祥爲太保義陽王子初爲太尉

何曾爲司徒荀顗爲司空石苞爲大司馬陳騫爲大將

軍凡八公同時並置唯無丞相焉詩所謂八公同辰攀

雲附翼者也遂以太傅太保爲上公論道經邦變理陰

陽無其人則闕蓋居者甚寡

諸公品第一食俸日五斛太康二年又給絹春百匹

秋二百匹綿二百斤元康元年給菜田十頃田駒十人立夏以後不及田者食俸一年又給虎賁二十人持班

劍給朝車駕駟安車
黑耳駕三各一乘

其太尉司徒司空自漢歷魏皆爲

三公及晉迄於江左相乘不改

上公三公之制不改

前代三公策

拜皆設小會所以崇宰輔之制也自魏末廢而不行至

晉拜石鑒

字林伯

爲左光祿大夫開府領司徒始有詔令

會遂以爲常

十六國姚泓僭號受經于博士淳于岐岐病泓親省疾拜于牀下自是公侯見師傅

皆拜宋皆有八公之官而不言爲八公也齊時三公

惟有太傳梁有丞相太宰太傅太保大司馬大將軍

太尉司徒司空開府儀同三司等官諸公及從公開府

者亦置官屬 陳以丞相太宰太傅太保大司馬大將軍並爲贈官三公之制開黃閣廳事置鵠尾 後魏以太師太傅太保謂之三師上公也大司馬大將軍謂之二大太尉司徒司空謂之三公 北齊皆有三師二大三公之官並置府其府三門當中門黃閣設內屏三師二大置佐史則同太尉府 後周置六卿之外又改三師官謂之三公並置三孤以貳之

少師少傅少保

而以司徒爲

地官大司馬爲夏官司空爲冬官如姬周之制無復太

尉三師之號宣帝又置四輔官

以大家宰越王威爲大前疑蜀國公尉遲迴爲

大右弼申國公李穆爲大左輔隋國公楊堅爲大後丞

隋置三師不主事不置

府寮但與天子坐而論道置太尉司徒司空以爲三公

參議國之大事依北齊置府寮無其人則闕祭祀則太

尉亞獻司徒奉俎司空行埽除其位多曠攝行事尋省

府寮佐置公則坐于尚書都省朝之衆務總歸于臺閣

矣煬帝即位廢三司官唐復置三師以師範一人儀

刑四海置三公以經邦論道變理陰陽

祭祀則與隋制同

並無

其人則闕天寶以前凡三師官雖有其位而無其人

增五代時多以畀藩鎮及贈官

羅紹威太師韓建司徒馬希範張全義安元信

並太師馮行襲太傅

宋承唐制以太師太傅太保爲三師太尉

司徒司空爲三公爲宰相親王使相加官其特拜者不

預政事赴上于尚書省

凡除授則自司徒遷太保自太傅遷太尉檢校亦如之

太

尉舊在三師下由唐以來至宋朝加重加以太尉居太

傅之上若宰臣官至僕射致仕者在位久近或已任

司空司徒則拜太尉太傅等官若太師則爲異數自趙

普以開國元勲文彥博以累朝耆德方特拜焉雖太傅王旦司徒呂夷簡各任宰相二十年止以太尉致仕政和二年九月詔以太師太傅太保古三公之官今爲三師古無此稱合依三代爲三公爲真相之任司徒司空周六卿之官太尉秦主兵之任皆非三公並宜罷之仍考周制立三孤少師少傅少保亦稱三少爲次相之任遼北面于越府有大于越無職掌班百僚之上非有大軍功者不授遼國最尊之官猶南面之有三公也太

祖以耀尼氏裕悅受禪終遼之世以裕悅得重名者三人耶律赫魯烏哲仁先謂之三裕悅南面置三師府太師太傅太保少師少傅少保又有三公府太尉司徒司空此皆南面朝官之長公師府有掌印官一人金三師太師太傅太保各一員皆正一品師範一人儀刑四海三公太尉司徒司空各一員皆正一品論道經邦變理陰陽元三公太師太傅太保各一員正一品銀印以道變陰陽經理邦國特示尊崇太祖十二年以國王

置太師一員太宗即位建三公其拜罷歲月皆不可考
世祖之世其職常缺而僅置太保一員至成宗武宗而
後三公並建無虛位矣又有所謂大司徒太司空太尉
之屬或置或不置其置者或開府或不開府而東宮嘗
置三師三少蓋亦不恒有也馬祖常上言司徒司空皆
古三公之流人臣名爵無如此極比者聖上踐阼之初
沙汰冗濫尤慎此官近歲屢有閒雜人等如沈宗攝汪
元昌輩亦受司空司徒竊恐天下後世傳爲口實非便

仁宗延祐五年監察御史言比年名爵濫冒太尉司徒國公按迹於朝昔奉詔裁罷中外莫不忻悅近聞禮部奉旨鑄太尉司徒司空等印二十有九此輩無功於國載在史冊貽笑將來請自今閥閱貴重勲業昭著存留一二餘並革去制曰可 明國初設三公府正一品府罷而李善長徐達以丞相兼太師太傅常遇春以上公贈太保三孤無兼領者太祖高皇帝下江左因勝國之舊爲五等爵以贈勲臣及文武之死綏者其後有王公

侯伯之典而罷子男至公孤絕不以爲贈太宗文皇帝
罷公孤官仁宗洪熙中復設太師太傅太保曰三公少
師少傅少保曰三孤侍上左右備顧問咨幾務無定員
無專授爲勲戚文武大臣兼官加官贈官文官惟贈得
三公時置公孤官以居英國公張輔尚書蹇義等於是
加贈姚廣孝胡廣得少師馬京少傅墨鱗得少保文臣
之贈三孤自廣孝等始宣宗宣德中寵夏原吉其卒也
欲爵之而不果故特崇以太師而蹇義因之文臣之贈

三公自原吉始嗣黔公沐斌之薨欲王之則無功欲毋
贈則不容已故特優以太師勲臣之贈三公自黔公斌
始周太保尚文之卒岳都督懋之戰歿宜伯而靳之一
崇以太傅一崇以少師武弁之贈公孤自尚文懋始少
詹鄒濟贊善王汝玉爲仁廟舊宮臣故即位而贈太子
少保賓客文臣之得贈東宮大僚自濟汝玉始王一寧
侍郎也以閣臣而得太子太師三品之躡得三太自一
寧始

三公總載二

原韋昭辨釋云公貢也才德兼於人人咸貢薦於王而用之也辨云公猶取正直無私也故曰公字從八八音

背古之私字背私則爲公者也

禮記曰孟春之月天子率三公九

卿諸侯大夫躬耕帝藉

鄭玄曰帝上帝藉天子藉田千畝以供上帝之粢盛

天子

三推公五推卿諸侯九推

推耒發土

三公九卿皆御

御進也

公羊傳云三公者何天子之相也

春秋孔演圖曰諸

侯爲外蕃三公爲中輔

春秋元命苞曰魁下六星兩

兩而比曰三台主閭德宣符德立題

宋均曰皆升文昌三台也立題題自

帝之德行主其職矣

能之爲言耐也天官器人各以其材因而任

之則分職治其象以見符

能今之台字也耐今之能字也

春秋漢舍

孳曰三公象五岳九卿法河海孝經援神契曰五岳

視三公四瀆視諸侯

韓詩外傳曰三公者何曰司空

司徒司馬司馬主天司空主地司徒主人故陰陽不調

星辰失度責之司馬山陵崩絕川谷不流責之司空五

穀不殖草木不茂責之司徒許慎五經異義曰今尚

書夏侯歐陽說天子三公一曰司徒二曰司馬三曰司

空九卿二十七大夫八十一元士凡百二十在天爲山

川古周禮說天子立三公曰太師太傅太保無官屬與

王同職故曰坐而論道謂之三公又立三少以爲之副

曰少師少傅少保是爲三孤冢宰司徒宗伯司馬司寇

司空是爲六卿之屬大夫士庶人在官者凡萬二千石

周公太公無爲司徒司空文知師保傅三公官名也五

帝三王不同物此周之制也 又曰王者已有州伯所

以復設二伯何欲使絀職也三歲一閏天道小備故二伯絀職也何以爲二伯乎曰以三公在外稱伯東西分爲二所以稱伯何欲抑之也三公臣之最尊者也又以王命行天下爲其威故抑之明有所屈伯也皇甫謐帝王世紀曰三公者知通乎天道應變無窮辨于萬物之情者也其言足以調陰陽四時而節風雨如是舉以爲三公之事應劭漢官儀曰今太尉司徒下書州郡事文皆稱公漢禮儀曰天子稱尊號曰皇帝者曰制

稱制言曰詔稱民有言有詞曰陛下今皆施行詩云肅

肅王命仲山甫將之邦國若否仲山甫明之詔令之義

三公三人以承君蓋由鼎有足故易曰鼎象也 徐廣

衣服儀制云三公安車駕三特進駕二 又曰太康七

年詔依舊三公既拜爲之小會 增六典曰三師訓導

之官也蓋天子所法師大抵無所統職然非道德崇重

則不居其位無其人則闕之 陶氏職官要錄曰三台

擬三公黃帝以風后配上台天老配中台五聖配下台

原河圖祿運法曰舜以太尉受號爲天子五年二月

東巡狩至於中州與三公諸侯臨觀黃龍五采負圖出
置舜前也 環濟要略云三公者謂太師太傅太保也

師王所尊也傳助王事保安也保王身也凡此皆內與
王論道中參六官之事殷時有阿衡伊摯佐之太甲改
爲保衡皆三公官也有三少少師少傅少保是爲三孤
副助三公者也孤者不掌官桀然孤特 應劭漢官儀
云武王克殷作周官立太師太傅太保爲三公

舊說以司馬司

徒司空爲三公周以司馬司徒司空司寇
冢宰宗伯爲六卿遂以師傅保爲三公 太師在太傅

上太保次太傅無不總統秦漢之際並無其官至高后

唯置太傅漢末以大司馬大司徒大司空爲三公立師

傅保之官位在三公上崇號爲上公東漢以後皆以太

尉司徒司空爲三公 太尉與太司馬恒不兩置歷代或以太尉或以大司馬爲三公 師

傅保常曰上公後魏書官氏志云後魏尊師傅保爲三

師五代史百官志云北齊因後魏亦曰三師後周依周

禮又以師傅保爲三公隋初又爲三師煬帝廢之自漢

魏以來皆開府置寮屬至隋省寮屬 漢書曰鄒陽上書曰於陵仲子辭三公爲人灌園 又曰丞相孔光初爲御史大夫時董賢父恭爲御史事光及賢爲大司馬與光並爲三公上故令賢私過光光雅恭謹知上欲尊寵賢及聞賢當來也光警戒衣冠出門待望見賢車却入賢至中門光入閣既下車乃出拜謁送迎甚謹不敢以賓客鈞敵之禮賢歸上聞之喜立拜光兩兄子爲諫大夫常侍 增漢書曰王尊劾奏丞相匡衡御史大

夫張譚位三公典五常九德以總方略壹統類廣教化

美風俗爲職知石顯等專擅權勢不時白奏無大臣輔

政之義 又曰成帝時何武爲九卿建言古者民樸事

約國之輔佐必得賢聖然猶則天三光備三公官各有

分職宜建三公官定卿大夫之任分職授政以考功效

又曰蕭望之奏三公非其人則三光爲之不明今首

歲日月少光咎在臣等 原又曰新都侯王莽爲大司

馬秉政權彭宣上書言三公鼎足承君一足不任則覆

亂美實臣資性淺薄年齒老眊數伏疾病昏亂遺忘願
上大司空長平侯印綬乞骸骨歸鄉里竢填溝壑謝
承後漢書曰鄭弘爲淮陰太守行春兩白鹿隨車夾轂
而行弘怪問主簿黃國鹿爲吉凶拜賀曰聞三公車輻
畫作鹿明府當爲宰相後弘果爲太尉又曰靈帝欲
以羊續爲太尉時拜三公者皆輸東園禮錢千萬令中
使督之名爲左騶其所之往輒迎致禮敬厚加贈賂續
乃坐使人於單席舉緼袍以示之曰所資惟斯而已故

不登三公位而徵爲太常卿 又曰胡廣在台輔三十

餘年經事六帝禮任甚優每遜位辭疾及免退田里未

嘗滿歲輒復升進凡一履司徒三登太尉及爲太傅其

辟命皆天下名士與故吏陳蕃李咸並爲三司蕃等每

朝會輒稱疾避廣時人榮之 又曰黃憲同郡陳蕃爲

三公臨朝而歎曰叔度若在不敢先佩印綬矣 又曰

陳謙字伯謙爲御史中丞同郡宣豐時爲衛尉司徒位

缺尚書欲案以補之咨問于謙謙正坐不答豐亦因士

大夫謂謙曰位不可妄假人三司位重上和陰陽下訓
五品豈可得處宣豐何人而欲居稷禹之官傳語者媿
而退 增又曰元始中賜馬宮策曰入稱四輔出備三
公四輔之職爲國維綱三公之任鼎足承君不有鮮明
固守無以居位 又曰舊制州牧奏二十石長吏不任
位者事皆先下三公光武時用明察不復委任三府而
權歸刺舉之吏朱浮上疏曰即位以來不用舊典信舉
刺之官黜鼎輔之任 原司馬彪續漢書曰楊彪字文

光博覽衆書有恭孝稱至司徒太尉見漢祚將終自以累世三公恥復爲魏臣乃稱脚寧不復行魏文即位賜杖几延請之又使著鹿皮冠拜光祿大夫秩中二千石朝見位次三公後漢書曰虞詡薦龐參有宰相器能順帝時以爲太尉錄尚書事是時三公之中參名忠直數爲左右所陷毀以所舉用忤帝旨司馬彪九州春秋曰崔烈廷尉卿靈帝時開鴻都門榜賣官爵烈時入錢五百萬得爲司徒及拜日天子臨軒百寮畢會帝顧

謂倖者曰恨不小靳可至千萬程夫人於傍應曰崔公

冀州名士豈肯買官賴我得是反不知姝邪

注曰姝美也言反不

知斯事之美也
或作株根本也

烈問其子鈞曰吾居三公于議者何如

鈞曰大人少有英稱歷位卿守論者不謂當爲三公而

今登其位天下失望烈曰何爲然也鈞曰論者嫌其銅

臭耳烈怒舉杖擊之鈞走烈罵曰死卒父撻而走孝乎

鈞曰舜之事父小杖則受大杖則走非不孝也烈慙而

止增仲長統昌言法誠篇云光武矯枉過直政不任

下雖置三公事歸臺閣自此以來三公之職備員而已
政有不理猶加譴責策免又中世之選三公也務於清
慤謹慎循常習故者是婦女之檢行鄉曲之常人耳惡
足以居斯位耶執既如彼選又如此而欲望三公勲立
於國家績加於生民不亦遠乎 原魏志曰高柔字文
惠爲廷尉魏初三公無事又希與朝政柔上疏曰天地
以四時成功元首以輔弼興治成湯仗阿衡之佐文武
憑旦望之力逮至漢初蕭曹之儔並以元勲代作心膂

此皆明王聖主任臣於上賢相良輔股肱於下也今公
輔之臣各偃息養高鮮有進納誠非朝廷崇用大臣之
義大臣獻可替否之謂古者刑政有疑輒議於槐棘之
下自今之後朝有疑議及刑獄大事宜數以咨訪三公
三公朝朔望之日又有特延入講論得失博盡事情庶
有裨起天聽弘益大化帝嘉納焉 又曰文帝即王位
鍾繇復爲大理及踐阼遷太尉轉封平陽鄉侯時司徒
華歆司空王朗並先世名臣文帝罷朝謂左右曰此三

公者乃一代之偉人也後世殆難繼矣 增又曰崔琰

從弟林少無名望雖姻族猶多輕之而琰常曰此所謂
大器晚成者也終必遠至涿郡孫禮盧毓始入軍府琰
又名之曰孫疏亮亢烈剛簡能斷盧清警明理百鍊不
消皆公才後林禮毓咸至鼎輔 原蜀志蔣琬字公琰
夜夢有一牛頭在門左流血滂沱意甚惡之呼問占夢
趙直直曰夫見血者事分明也牛角及鼻公字之象君
位必當至公大吉之徵也 晉書曰庾嶷弟純字謀甫

門宗最知名博學有才義爲世儒宗早有公望 晉八
王故事曰太康七年正旦日蝕詔公卿大臣各上封事
其咎安在汝南王亮與司徒舒司空瓘上言三司之任
天地人也乾道不普故水旱爲災人倫失序故兇奸不
禁乃者荊州之域妖災仍興任城國都水流變赤延三
朝之始日有蝕之孟陽節過堅冰未消臣等瑣才叨優
高位可謂小人而乘君子之器宜就顯戮以荅天意謹
免冠徒跣上所假章綬詔曰夫陰陽失序朕干天道政

刑失中之所致也其使冠履勿復道 吳鈞齊春秋曰

柳世隆字彥緒太尉元景弟子也器望清華音吐雅潤
宋孝武聞而竒之後爲虎威將軍上庸太守孝武謂元
景曰卿昔以此職遂至公輔今復以加世隆令卿門三
台不絕也 增唐張延賞奏故事冊拜三公中書令讀
冊侍中奉禮如闕即以宰相攝之 宋王旦沈默好學
父祐深器之曰此兒異日必爲三公輔臣因手植三槐
於庭以爲識已而果然 宋真宗天禧元年司徒平章

事王旦彭王元儼同日除制加太保三公竝除雙員

三公總載三

原三足六符

環濟要略曰三公者象鼎三足共承其上也漢書曰六符孟康注曰泰階三

台也始三星凡六星也六符星之符驗也應劭云黃帝六符經泰階天之三階

黃閣綠紱

沈約宋書云三公黃閣前史無其義臣按禮記云士髀與天子同公侯大夫即異鄭玄注云三公之與天子禮數相亞故黃其閣以示謙不敢斥天子宜是漢末制也晉官品令曰三公綠紱綬也綬音戾

四輔

三公

書曰誕保文武受民亂為四輔注云大保文武所受之民治之為我四維之輔設四輔及三

公

贈刀

懸樂

晉書呂虔有佩刀工相之當為三公虔以贈別駕王祥曰苟非其人刀必

爲害以子有台輔之量故相贈後祥果爲太傅晉志

成帝臨軒遣使拜太傅太尉司空儀注太樂宿懸于殿

庭下有司奏非祭祀宴享則無設樂之制太

常蔡謨言凡敬其事則禮備禮備則有樂

官正

德成

禮記君子曰德成而教尊教尊而官正官正而國治見上

法三光

象五

韓非子曰背私曰公三公象鼎足也數三者法三光下見三公二

理陰陽

節風

雨

傳子曰三公者佐天子理陰陽說苑曰三公正天下調陰陽節風雨劉向

王祥不拜

何曾盡禮

晉書王祥荀顗往謁晉王祥曰三公與王相去一階班列大同安有天子三公輒拜

者指魏朝之望虧晉王之德及至顗遂拜而祥獨長揖而已曾字穎考與高柔鄭冲同爲三公謁晉王曾拜

畫禮二人

長揖而已

增經邦

平國

周書茲惟三公論道經邦變理陰陽官不必備惟其

人唐百官志三公佐天子
平邦國理陰陽無所不統

具瞻

參聽

詩小雅維石巖巖赫

赫師尹民具爾瞻晉荀勗曰三公具瞻所歸不可用非
其人禮王制曰大司寇以獄之成告於王王命三公

參聽之三公以獄之成告

備員

奉職

東漢光武雖置三公事歸

於王王三宥然後制刑

章帝永平六年王雒山出

臺閣三公之職備員而已寶鼎詔曰易曰鼎象三公豈公卿奉職得理耶其賜三

公帛飾詐糾非漢汲黯曰公孫弘位三公俸祿甚多然爲布被此詐也上問弘弘謝曰有

之夫以三公爲布被誠飾詐以釣名東漢章帝詔春秋之義以貴理賤自今三公並宜明糾非法宣振國威

大儒元老

荀子儒效篇大儒者天子三公也又君道篇上賢使之爲三公王隱晉書王

祥拜太保制曰耆艾元老高行清粹朕所毘倚以崇道弘化

落水

平世

南史宋司徒褚

淵因送湖州刺史王僧虔問道壞墜水僕射王儉驚跳
下車謝超宗恃才使氣多凌忽撫掌大笑曰落水三公
墮車僕射淵出水雷濕狼藉超宗先在僧虔舫中大聲
曰有天道焉有地道焉天所不容地所不受投畀河伯
河伯不受淵大怒曰寒士不遜超宗曰我不賣索劉得
富貴焉能免寒士 蔡廓字子度宋武帝以其正直補
御史中丞多所糾正帝嘗

云蔡廓可爲平世三公

夢松

植槐

吳嗣主傳注
丁因夢松生

腹上謂人曰松字十八公也後十八歲
吾其爲公乎卒如夢焉 下詳總載二

責吏事

舉

謠言

漢光武方以吏事責三公故功臣不用注云太尉
掌四方兵事司徒公掌人民孝悌謙讓事司空公

掌水土營城邑浚溝洫修墳坊事此所謂吏事責三公
也 東漢蔡邕上疏五年制書令三公舉謠言是時奉
公者欣然得志又漢官儀三公聽察長吏
臧否人所疾苦條奏之是爲舉謠言也

衮衣繡裳

金章紫綬

詩幽風我觀之子衮衣繡裳注云王迎周公當以上公之服往見之齊職儀三師

品第一金章紫綬進賢三梁冠絳朝服又春官宗伯以王作六瑞以等邦國王執鎮圭公執桓圭侯執信圭伯執躬圭子執穀璧男執蒲璧按圭制下方上圓取象天地內有孔謂之好好有玉謂之內肉倍好為璧好倍肉為環王者下輿中書讀策東漢安帝朝陳忠上疏曰

而禮在輿為下御坐為起入則參對而議政事出則監察而量是非下詳總載道問喘牛

門施行馬

漢丙吉出逢羣闕者死傷橫道吉過之問前逢人逐牛牛喘吐舌使騎問逐牛行

幾里矣掾吏謂前後失問吉曰民間傷京兆尹職管禁捕宰相不親小事非當于道路問也方春牛喘此時氣節恐有所傷三公典調陰陽職當憂是以問之掾吏乃服以吉為知大體漢魏三公門施行馬注云禮掌舍

設柱桓杜子春云柱桓行馬也所以斷人出入桓者交
互其木以為遮闌也魏以楊彪為光祿大夫又令門施
行馬以優崇之

楊震四世

趙熹三葉

漢弘農楊寶生震震
生秉秉生賜賜生彪

四世為三公又玄宗至紹四世五公東觀漢記詔曰
行太尉事趙熹三葉在位為國元老其以熹為太傅熹
時年八十繼母

秩稱萬石

府有三門

百官表漢制
三公號稱萬

在堂口不言老

石又六典注梁制十八班班尊者為貴上公班第十八
秩萬石隋百官志三公府三門當中開黃閣設內屏
職官分紀陳舊制三公黃閣廳事置鵷尾後主時蕭摩
訶以功授侍中驃騎大將軍特詔摩訶開閣門施行馬
廳事寢堂

父子同居

兄弟並登

晉司馬望安平王
孚之長子咸熙中

並置鵷尾

位司徒入晉封義陽王遷太傅兼大司馬時孚已為太
宰父子同居上公位百代以來未之有也三十國春

秋卞粹以清辨聞于時兄弟
六人並登三公世稱六龍

鍾繇膝疾陶侃手文

魏志太傅鍾繇有膝疾拜起不便每朝見使載車輿虎
賁昇上殿就坐是後三公有疾遂爲故事異苑晉陶

侃左手有文直達中指至橫文上節便絕占者以爲此
文若通位無極侃以鍼挑令徹血流彈壁上仍作公字
以紙裹之
公字愈明
聞車馬聲
備金石樂
晉魏舒未達時詣
野王止宿主人妻

夜產俄而聞車馬之聲相問寢者誰曰魏公舒
自知當爲公矣其後果爲司徒下詳上懸樂

三公總載四

原黑頭

晉書諸葛恢爲臨沂令名亞王導庾亮謂曰明
府當作黑頭三公指司空冠曰後著此冠也

折臂

晉書人相羊祐先人墓當有受命者祐掘斷地
勢相者曰猶當出折臂三公俄而祐墜馬折臂

位至三公

神化丹青

鹽鐵論天設三光以昭明天子立三公以明理故公卿者四海之表儀神

化之丹青也

父子上公

晉書司馬孚為太宰其長子為司徒父子居上公自中代未有也

司分鼎足

位列台階

增雀環

續齊諧記弘農楊寶者嘗見一黃雀

墜樹下為螻蟻所困寶憐之食以黃花百餘日毛羽成放之後寶讀書有黃衣童子向寶再拜曰我王母侍臣為鵩鴟所搏賴君拯救今當使南海不得復往以白環四枚與寶曰令公子孫潔白登三公辭去遂絕寶生震震生秉秉生賜賜生彪四世為三公

改容而禮

漢書賈誼傳昔者成王幼在襁褓之中召公為

太保周公為太傅太公為太師保者保其身體傅者傳之德義師者道之教訓此三公之職也又云三公之貴皆天子之所改容而禮貌之者也

議國大事

隋百官志三公參議國之大事置府寮

食不兼味

分紀長孫道生拜司空加侍中性忠厚廉謹身爲三司而衣不華飾食不兼味一熊皮障

泥十年不易時人比之晏嬰

肉脫粟飯

荀悅漢紀荀爽爲三公食不過一肉脫粟飯

位貌隆重

文彥博擬簡莊重有大臣體位將相者五十餘年徧歷公孤兩以太師致仕雖位貌隆重

而平居接物謙抑尊德樂義如恐不及邵雍程顥程頤以道學名于世而彥博與之遊元豐中與富弼等十一

人爲洛社

備物典策

東坡上文潞公書云太尉執事承以元功正位兵府備物典冊

者英會

首冠

廟坐見庶僚

事略文彥博傳元豐三年除太尉判河南彥博至河南未交印先就

三公

第廟坐以見監司既交府事見監司府官如常式或以問彥博彥博曰吾未視府事三公見庶僚也既交印河

南尹見監司矣六年

我不獨拜公

世說王丞相既拜司徒乃嘆曰王喬

請老拜太師致仕

若過江我
不獨拜公

非勛德者不居

隋百官志後齊置官太師太傅太保是爲三師古之

三公非勛德

見者不知爲三公

晉王戎傳雖位總鼎司而委事察察間乘

崇者不居

小馬從便門而出遊見者不知其爲三公也

三公總載五

增表梁沈約爲柳世隆讓封公表曰臣聞懸旌玉塞貳
師尚黜其功伐鼓炎州伏波猶懼其賞徒以兼委之施
或難固辭抽心之情必無雙奪是故俛容青閣願還慈
于裂壤竊步丹墀希收寵于開賦昔竄命窮雉難迫勢

孤枕版未難負戶非切及顧溫清之館懼結尊慈之懷
累葉喁喁舉門惴惴臣事逼君親理非外獎實賴朝謨
謹肅宰略遐震奔鯨外勦臣何力焉幸得扶老攜幼重
出幽堵還軸歸駟再踐鄉路豈可資國青以邀其功因
衆功而饗其報遂使甘霜受電之心有同于飾請皎日
大河之志匪殊于貌謁 任昉爲齊明帝讓宣城郡公
第一表曰臣本庸才智力淺短太祖高皇帝篤猶子之
愛降家人之慈世祖武皇帝情等布衣寄深同氣武皇

大漸實奉話言雖自見之明庸近所蔽愚夫一至偏識
量已實不忍自固于緩衣之辰拒違于玉几之側遂荷
顧託導揚末命雖嗣君棄常獲罪宣德王室不造職臣
之由何者親則東牟任惟博陸徒懷子孟社稷之對何
救昌邑爭臣之譏四海之議于何逃責且陵土未乾訓
誓在耳家國之事一至于斯非臣之尤誰任其咎將何
以肅拜高寢虔奉武園悼心失圖泣血待旦寧容復徼
榮於家耻晏安于國危驃騎上將之元勛神州儀刑之

列岳尚書古稱司會中書實管王言且虛飾寵章委成
禦侮臣知不愜物誰謂宜但命輕鴻毛責重山岳存歿
同歸毀譽一貫辭一官不減身累增一職已黷朝經便
當自同體國不爲飾讓至于功均一匡賞同千室光宅
近甸奄有全邦隕越爲期不敢聞命亦願曲留降鑒即
垂聽許鉅平之懇誠彌固永昌之丹慊獲申乃知君臣
之道綽有餘裕苟曰易昭敢守難奪故可庶心弘議酌
已親物者矣不勝荷懼屏營之至

增制唐封郭元振爲代國公制曰門下大臣立事夷險
不易良相升朝安危所繫兵部尚書同中書門下三品
郭元振偉才生代宏量匡時經綸文武今之王佐出入
將相古之人傑夙侍帷幄疇咨廟堂思致堯舜以期管
樂朕往在儲闈洎登寶位每觀其聞義感激願別忠邪
立誠慷慨密陳弘益爾其至矣朕實嘉之頃者梟獍興
謀干戈作釁太上皇命朕討除元振又馳奉宸極始則
賚予爲弼終則寧朕問安可謂格于皇天貫于白日元

惡旣翦品物維新昌言是圖朕豈忘舊宜開井邑永誓
山河可封代國公食實封四百戶

增銘唐張說梁國公姚崇神道碑銘曰源深自虞派別
從吳避地魯陝居家洛都神明遠契岳瀆冥符翊聖斯
偶生賢不孤仁將勇濟孝與忠俱學刃攢植文鋒迅驅
纔安卑位即騁長途惟實惟有若虛若無再三軍國一
二訏謨戎柄尤重王綸最樞兼司任切久政榮殊黼藻
彌煥丹青靡渝以寬容物以鑒分區外或形放中恒禮

拘箴雖誠口諍亦忘軀但覩渾璞誰詳瑾瑜伊咎尺寸
管樂錙銖名遂身正言誠願孚方辭漢祿更辱齊租既
積而散窮歡盡娛川歸東極日去西晡上惻旒宸旁悲
路衢藍田美玉荔浦明珠載廣休慶爰弘典謨豐碑乃
立盛業其鋪帝念頻軫仙毫特紆鐫金刻石鳳篆龍圖
七曜光動三泉澤濡銓能欽事理鬱詞敷求舊銘實慙
殫恧蕪緬思雲霧尚想江湖有道之德其何以踰延陵
之墓空此嗚呼存歿終始遐哉邈乎 元載葬國公贈

太尉裴冕碑銘曰元精降靈建乎人極邈矣冀公順帝
之式鴻造覆育大鈞埏埴業濟功成保和居直帝念髦
碩二登輔翼爲時養賢以及萬國昔在上帝降命元老
以仗愷元以明至道唐歷中否亦命我公順人載天戡
黎伐共德謝星隕仁沈海竭大厦梁崩崇山玉折領袖
前古綱緯來轍憧憧豐碑耿耿鴻烈永傳億祀遺芳不
滅

御定淵鑑類函卷六十二

謹案卷六十一第二十頁前八行多囉倫穆騰舊

作敵烈麻都 又後五行固倫舊作國論 又

烏赫哩舊作忽魯 又七行伊實舊作乚室

又伊拉齊舊作移賚 又愛滿舊作阿買 又

阿實克舊作阿舍 二十一頁前二行圖埒舊

作禿里 又烏爾古舊作烏魯國 又詳袞圖

依達舊作埽穩脫朶 又三行穆呼實訥琨舊

作麼忽習泥昆 又四行明安謀克舊作猛安

謀克 四十六頁前八行穆爾舊作木兒 又
輝和爾舊作畏吾 又後七行達爾瑪實哩舊
作答兒麻失里 又八行蘇克巴喇舊作速哥
八刺 四十七頁前四行特穆爾達實舊作鐵
木兒達識今並改後放此

謹案卷六十一第一頁後六行立夏止刊本夏止訛秋去據通典及左傳注改

第二頁後二行又有五行之官刊本有訛是據通典改

第十二頁前二行咸能別於側門刊本咸訛或據通典改

卷六十二第二頁前二行其三公又下兼六卿刊本又訛以據周禮正義改

第十三頁前七行立拜光兩兄子為諫大夫常侍

刊本諫大夫訛謀議大夫據漢書改



總校官庶吉士 臣張能照

校對官庶吉士 臣陳 壩

膳錄監生 臣朱 煥